

UPHAWU LWE PHASIIKA

 Kuyinhlanhla impela ukuba lapha kulokhu ukusa, kulolusuku lokuzalwa lomkhandlu wabakhulu besonto woSomaBhizinisi beFull Gospel lapha ePhoenix, nokwazi ukuthi iNKosi inginike inxenye encane yakho, ukuba ngibe yinxenye yalenhanganyelo. Ngifuna ukubingelela uMfowethu Carl Williams nomkakhe, uMfowethu Stromei, nonke lapha emsamo, uMfowethu Shores, uMfowethu Outlaw, abefundisi, nani nonke bantu abahle.

² Niyazi, nga—nganginosuku lokuzalwa ngeviki eledlule, nami. Futhi nje ngithe ukuba mdadlana kancanyana kunomkhandlu wabakhulu besonto. Ngikhola ukuthi uthe, “Mihlanu ne...iminyaka ubudala, okomkhandlu wabakhulu besonto.”

³ Omunye wathi, ngeliny'ilanga, wathi, “Uneminyaka emingaki, Mfowethu Branham?”

⁴ Ngathi “Amashumi amabili-nesithupha.” Ngase ngithi, “Sengayesula iminyaka engamashumi amabili-nanhlanu yokuqala. AngiYikhonzanga kahle kangako kuyo.” Ngathi, “Ngethemba ukuthi Iyakwenza, nayo.” UkuYithola ukuba ikwenze kuzokwehluka.

⁵ Kodwa kuhle ukuba lapha. Futhi manje sifuna ukuba singathathi esiningi sesikhathi senu. Ngoba si...Ngiye—ngiyesaba njalo, emva kokuthi ngizwe ngalezizimfakazo, nezinto eyenzekayo, ukuthi ngi...namaculo, ukuthi ngizokwenza okuthize okuzophazamisa lokho. Futhi bengifuna ukwengeza kukho, uma bekungabakhona noma yini ebengingayengeza kukho. Labodadewethu...

⁶ Lowomfowethu ocule iculo kulokhu ukusa, umfowethu oyikhalathi, ngilithokozele lelo, *ISo EMzwililini*.

⁷ Nalabodadewethu abacule leliculo, lokho bekungokunye kosizo lwami kusukela ngilapha okokuqala. Nginalo lelo. Nginalo lelo erekhodini, futhi ngisanda kulidlala nje, *Ngithanda Ukuxoxa ngakho NaYe*. Futhi ngicele uMfowethu Dawson Riley lapho, umngane wami, ukuthi ubengakwenza yini, abanye babo, uma bezobona uma bezothola lawomanenekazi, uma bebesalokhubekhona lapha emhlaben, ukuba balicule futhi kulokhu ukusa. Futhi ngethemba ukuthi uTerry unalo. Futhi ngicabanga ukuthi ukwenzile. Ngifuna ukulisusa lelo lapho, mhlawumbe, liye erekhodini noma okuthize, ngoba ngilithanda ngempela leloculo. Naleso yisifiso sami—sami, ngukuxoxa ngakho naYe. Ngicabanga ukuthi sonke sifuna ukwenza lokho. Yingakho silapha kulokhu ukusa.

⁸ Manje, imihlangano ezayo, ngeviki elizayo. Ngabe kulungile ukusho na? [Umfowethu uthi, “Impela.”—Umhl.] Ngi—ngifanele ukuba ngibe sekhaya ngaleliviki elizayo, etabernakele, ngeSonto elizayo, ngenzele inkonzo yePhasika, ngoMgqibelo ebusuku, ngeSonto, ngeSonto ebusuku. Bese-ke ngibuyela eCalifornia. Nonke ninabantu enizungeze iCalifornia, ngojabula ngempela ukuba nani emhlanganweni lapho. Futhi ngiyacabanga, uBilly uthumele isaziso esingesiso. Ngabe... Uthe, “EHotela iBiltmore,” ngiyakholwa, “uzobakhona.” Kuse... [Omunye uthi, “Alitholakalanga.”] Alitholakalanga. Futhi use-Eastmont na? [“Embassy.”] E-Embassy, eEmbassy Hhotela. Ngakho noma yibaphi abantu beFull Gospel lapho bayonazisa, uma ningapho.

⁹ Bese-ke siyabuya lapho, bese ngiya eNingizimu Afrika-ke. Inyanga eyodwa nje kusukela namhlanje, sintweza siya eNingizimu Afrika, sibheke isikhathi esikhulu eNkosini, cishe izizwe ezintathu ezansi lapho. Ngakho si—siyayinxusa imikhuleko yenu. Mhlampe ngeke ngikwazi ukuphinde nginibone, uma iNkosi iqhubeka ngathi ukuba sihambe, ngize ngibuye. Futhi ngethemba ukuthi nginombiko omkhulu wenu uma sesibuya.

¹⁰ Ngesikhathi sokugcina ezansi lapho, ngicabanga ukuthi iNkosi yanginika umhlangano omkhulu kunayo yonke esengake ngaba nayo. Futhi ngesikhathi esisodwa, sokubizela e altare... Manje, lokhu kuphuma kwabomdabu uqobo. Ngokwazi kwami, kwakukhona izinkulungwane ezingamashumi amathathu zemukela uKristu ngesikhathi esisodwa. Futhi sacabanga ukuthi mhlawumbe babeqonde ukuphiliwa ngokomzimba, ngoba lapho kwakukade kukhona izinkulungwane ezingamashumi amabili-nanhlanu ezaphiliswayo ngesikhathi esisodwa. Futhi ngosuku olulandelayo, imeya ye—yeTheku, okunguSydney Smith, yathi, “Yana efasteleni lakho, ubuke abezayo behla ngomgwaqo.” Futhi kwakukhona amaveni ngamaveni ayethwele, nje egcwele inqwaba yezinduku zokuqhugela ezindala nezinto, nje zinqwabelene, ababeza ngemuva. Abomdabu, ababekade belwa bodwa, beza behla ngomgwaqo wedolobha, becula u *Kholwa Kuphela* ngolimi lwakubo lomdbabu.

¹¹ Ngiyanitshela, inhliziyo yami yaxhuxhuma. Njenge... Uma ubona into enjengaleyo, Mfowethu Shores, wena ukuzwa ukuthi umsebenzi wakho awusilona-ke ize. Uyabo, wazama. Futhi ngethemba ukuthi uNkulunkulu uyakuphinda futhi, hhayi ngoba—ngoba sasehlela lapho, kodwa ngoba sibheke ukuFika kweNkosi.

¹² Futhi njengoba iculo lishilo, sifuna leyo encane, imvu elahlekile. Leyo yileyo... Ngeke A—Afike kuze kungene leyomvu. Zonke zifanele zibe sesibayeni. Angeke awuvale umnyango kuze kungene leyo yokugcina. Ngakho, bafowethu abangabefundisi, ngikanye nani impela, kulokhu ukusa,

ngokuzama ukuzingela leyomvu yokugcina. Ingahle ibe sePhoenix, kulokhu ukusa. Angazi. Kodwa uma eyokugcina ingena, khona-ke uMelusi wezimvu uyovala umnyango.

¹³ [Umflowethu uthi, "Mflowethu Branham?"—Umhl.] Yebo? ["Ngingalisho yini izwi elilodwa nje?"] Ungalisho impela. ["Kukhona engikukhohliwe. Kade sikhuluma nge..."] Akuqoshwanga eteyiphini.] Lokho kulunge ngokuphelele. ["Futhi ngiyazi, wonke umuntu kukhona akukhohlwayo, ngasikhathi."] Angikhohlwa. ["O!"]

¹⁴ Yimina engikubhalayo engizokusho, cishe impela. Ngi...Njengoba sengiguga, ngikuthola kunzima kakhulu ukukhumbula, ngibhala imiBhalo yami phansi, kanjalonjalo. Ngangivamisile, ngangelakanyisa cishe imiBhalo engamashumi amahlanu emqondweni wami, ngingalokothi ngisho... ngedlule ngqo kuwo, kodwa senginenqwaba yamamayela amahhadlahhadla emva kwalezozinsuku.

¹⁵ Ngakho, sibheke ukuFika kweNkosi. INkosi inibusise nonke!

¹⁶ Bese-ke wenyukela lapha, bese uyacabanga. Wehlela lapha bese uzwa lababantu befakaza. Uyacabanga, "Awu, uma ngenyuka, ngizosho okuthize ngalokho." Manje-ke, kuningi kakhulu okufanele kushiwo, ungaba wusuku lonke ukusho. Kodwa, nginithokozela ngempela nonke. Kwangathi lomkhandlu omncane wabakhulu besonto ungaqhubeke nje ukhula. Kwangathi onke amabandla ePhoenix angaqhubeka ukukhula uJesu aze afike, ngumkhuleko wami oqotho.

¹⁷ Manje, ngiyacabanga, nje ukuba siziphumuze nje kancanyaana, asime sisenomkhuleko. Nizoma na?

¹⁸ Nkulunkulu uSomandla, uBaba weNkosi yethu uJesu Kristu, OwaMvusa kwabafileyo, futhi uMuphe thina njengomhlatshelo, neNkosi noMsindisi. SiKubonga kakhulu ngalenhlanhla esinayo kulokhu ukusa, ukuma eBukhoneni baKho, nabantu baKho ohlengiwe futhi ababheke ukuFika kwaKhe kwesibili okuyinkazimulo, ukuba asemukele kuYe. Uma kukhona isono phakathi kwethu, Nkosi, sihlambulule ngehisopi laKho. Futhi siyakhuleka, Baba waseZulwini, ukuthi Uzophilisa wonke umuntu ogulayo ophakathi kwethu.

¹⁹ Futhi uma bekungabakhona, ngethuba, labo ongaKwaziyo, kulombhaphathizo omkhulu kaMoya oNgewelesiwiwlwela ngokukhuthazela, futhi sithi kungokufanele, ngokomBhalo ngalolusuku lokugcina. Siyakhuleka, Nkulunkulu, ukuthi Uzokwehlela phezu kwethu sonke, namhlanje, futhi usibaphathize kabusha singene eMzimbeni, futhi ulethe labo abangaphandle, bangene, nabo, Baba.

²⁰ Sibusise njengoba sifunda iZwi laKho futhi sikhuthalele ukukhuluma lokho okuyiQiniso leZwi laKho. Vala imilomo yethu kulokho okungesilo iqiniso, futhi uvule izinhлизио zethu

nemilomo kulokho okuyiQiniso, njengoba sizinikela kuWe. Sebenzisa imilomo yethu ukuba ikhulume, nezindlebe zethu ukuba zizwe, nezinhliziyo zethu ukuba zemukele. Ngokuba sikucela eGameni likaJesu, Okumisele ukuba kubenjalo. Amen.

²¹ Ngithanda ukufunda eZwini eliNgcwele, izindawo ezintathu eBhayibhelini. Futhi uma nithanda ukumaka lena, futhi nifuna ukuqhubeka nayo, ukuyifunda nenzele ulwazi oluqhubekeyo, ngizojabula kakhulu uma ningayimaka phansi. Izindawo engizofunda kuzo nguMathewu 28:1-10, bese-ke kuba yiZambulo 1:17-18, kwabaseRoma 8:11. Angiyiphinde futhi. Futhi manje uMathewu 28:1 kuya kwele 10, iZambulo 1:17 kuya kwele 18, nakwabaseRoma 8:11.

²² Manje sisondela ePhasikeni. Futhi njengoba nisathola izindawo zenu, futhi nikumaka phansi. Ngicabanga ukuthi leliviki elizayo liyiviki lomlando elikhulu kakhulu nelikhulu ukwedlula onke kunawo onke amaviki onyaka. Ngicabanga ukuthi into enkulu ukwedlula zonke esizoyigubha ngaleliviki, leliviki elizayo, kwakuyisehlakalo esikhulu ukwedlula zonke ezake zenzeke emhlabeni. Angicabangi ukuthi noma yini ibingasedlula. Wena uthi, "Awu, u—unqamulezo lwalulukhulu." Kodwa amadoda amanangi ifile, amadoda amanangi ibibethelwa, ngisho nasezinsukwini ezifanayo zeNkosi yethu. Kodwa kwakukhona Oyedwa kuphela waBo Owavuka kwabafileyo. Lokho kwalibeka uphawu.

²³ Manje ngifuna ukufunda. Futhi lolu wuhlobo oluncane olwandumela umlayezo wePhasika, iNkosi ithanda, cishe imizuzu engamashumi amane. Manje asifunde eVangelini likaMathewu oNgcwele, isahluko 28, siqale.

Kepha ekupheleni kwesabatha, ngovivi lolokuqala lweviki, kwafika uMariya Magdalena nomunye uMariya beza ukuyobona iliba.

Futhi, bheka, kwaba-khona ukuzamazama komhlaba okukhulu: ngokuba ingelosi yeNkosi yehla ezulwini, yeza yagingqa itshe yalisusa emnyango, yahlala phezu kwalo.

Ukubonakala kwayo kwakunjengonyazi, nesambatho sayo sasimhlophe njengongqowane:

Kepha abazithibayo ba...abalindi (ngiyaxolisa) bathuthumela ngokuyesaba, baba-njengabafileyo.

Kodwa ingelosi yaphendula yathi kwabesifazane, Ningesabi nina: ngokuba ngiyazi ukuthi nifuna uJesu, obebethelwe esiphambanweni.

Kakho lapha: ngokuba uvukile, njengokusho kwakhe. Zanini futhi nibone indawo lapho iNkosi ibilele khona.

Hambani masinyane, nitshele abafundi bakhe ukuthi uvukile kwabafileyo, bhekani, uyanandulela ukuya eGalile; nizakumbona khona; bhekani, nginitshelile.

Base beshesha bamuka ethuneni benokwesaba nokuthokoza okukhulu; bagijima baya ukubikela abafundi bakhe.

Besaya kubikela abafundi bakhe, bheka, uJesu wabahlangabeza, wathi, Sanibona. Besondela babamba izinyawo zakhe, bakhuleka kuye.

Khona uJesu wathi kubo, Ningesabi: hambani nibike kubazalwane bami ukuba bahambe baye eGalile, bayakungibona khona.

²⁴ NeZambulo, isahluko 1, nevesi 17 nele 18.

Ngathi ukumbona, ngawa ngasezinyaweni zakhe njengofileyo. Wayesebeka isandla sakhe sokunene phezu kwami, ethi kimi, Ungesabi; mina ngingowokuqala nowokugcina:

Nophilayo, ngangifile; kepha, bheka, sengingophilayo kuze kube-phakade naphakade, Amen; futhi nginezihluthulelo zokufa nezehayidese.

²⁵ NaseNcwadini yabaseRoma, isahluko 8, futhi siqale ngevesi 11.

Uma-ke uMoya walovo owavusa uJesu kwabafileyo ehlala kini, yena owavusa uKristu kwabafileyo uyakuphilisa nemizimba yenu efayo ngaye uMoya wakhe ohlala kini

²⁶ Manje ngethemba ukuthi iNkosi uJesu izonezela izibusiso zaYo ekufundweni kwalamaZwi. Sibona ukuthi, iPhasika, ngilifake isigxivizo enhliziyweni yami uqobo njengomhlangano omkhulu ukwedlula yonke, noma iseohlakalo esikhulu kunazo zonke so—sonyaka.

²⁷ Ngifuna ukunicela ukuba ningixolele umzuzwana. Lokho akuthi yini ukubanga umsindo lapho kini, kuthi ukubhonga na? Kulungile? Nizwa kahle kanjalo na? O! Anikuzwa. Ngabe sekungcono, kulungile kanjalo na? Beningafuni ukusondela kakhulu.

²⁸ Manje, okwenza ngisho lokhu, yingenxa yokuthi, iPhasika, Wakufakazisa okwakushiwo yiBhayibheli. Wonke umBhalo owawulotshwe ngaYe ukuba awenze, Wabeka uphawu ubuMesiya baKhe ngenkathi Evuka kwabafileyo, uphawu IwePhasika. Sinokuningi kakhulu kwalo namhlanje esikhulumwa ngakho, lokho, sithenga uphawu IwePhasika. Awu, ngifuna ukukhulumwa kulokhu ukusa ngokuthi: *UPhawu lwePhasika*. Wuphawu olwehlukile kunalolo esiluthengayo ngemali yethu, njengophawu oluya ezincwadini lwenzelwa, ngicabanga ukuthi, iNhlangano yesifo soFuba kumbe noma balubiza ngokuthini.

Ngi—ngicabanga ukuthi loluphawu luwuphawu olwehlukile kancane. Futhi njengoba iPhasika luwusuku olukhulu lonyaka lwethu thina maKristu esizisho ukuthi singabantwana bakaNkulunkulu, ngifuna ukuzama ukubhobokela kulo futhi ngibone ukuthi sifanele sihlanganyele kanjani nalento enkulu uKristu asenzela yona.

²⁹ IZwi likaNkulunkulu lakhulunywa kwamaningi, amanangi amakhulu eminyaka ngaphambi kokuFika kwaKhe, ngokubethelwa kwaKhe, nangokufa kwaKhe, nangokuhlupheka kwaKhe, nangokuvuka kwaKhe futhi. Sizokwedlula kulezizinkonzo, mhlampe, ngeviki elizayo, njengoba silalele izinhlelo zethu—zethu zomsakazo; nasemabandleni ethu, nabelusi bethu, kanjalonjalo, leliviki elizayo.

³⁰ Kodwa kuzozonke izinsuku nangazozonke izinto uJesu azenzayo, futhi ngempela sithokozela konke okokuqinisekiswa kwakhe kweZwi likaNkulunkulu nalokho Akwenzayo ukuLigcwalisa: kokuphiliswa kwabagulayo, evusa abafileyo, ekhipha amademoni, eshumayela iVangeli kwabampofu, futhi egcwala onke amaZwi uNkulunkulu athi Uyokwenza ngenkathi Efika; bese-ke futhi ehlupheka ngenxa yezono zethu, esikhundleni sethu, ukuba abe yinhlawulo yesono, esiphambanweni, lapho kungekho omunye futhi owayengakwenza ngaphandle kwaKhe. Kodwa ngaphezu kwakho konke lokho, ngicabanga ukuthi iPhasika labeka uphawu yonke into.

³¹ Ngoba, kwakukade kukhona abaprofethi emhlabeni, ababeprofethile ngaphambi kwaKhe. Kwakukade kukhona abaprofethi emhlabeni, ababephilise abagulayo, bavusa ngisho nabafileyo, futhi benza izibonakaliso ezifanayo uJesu azenzayo.

³² Kodwa iPhasika lakufakazisa. Labeka uphawu iZwi likaNkulunkulu kuze kube-phakade, ekholweni leqiniso. Wonke umnyama nokungabaza kwachithwa, ngalokho kusa okubusisiweyo. Umuntu wayevalelwé, njengoba kwakunjalo, endlini yejele, ngisho nasezinkolweni zabantu ngaphambi kwalolusuku, ngoba babekade be...bone iminyakazo yezinkolo ezinkulu, nokunyakaza kukaMoya oNgewe, kanjalonjalo. Kodwa ngenkathi umuntu efa, kwabonakala kukuxazulula. Kodwa ngenkathi kufika Lona, futhi wathi, “Nginamandla okubeka ukuphila kwaMi phansi; Nginamandla okubuye ngiKuthathe.” Wayese-ke ehamba ekufakazisa Akusho. Kimina, lolo—lolo wuphawu lwalo, uma—uma into ethize ishiwo bese-ke ijikwa bese ifakazelwa.

³³ Uma umuntu asho, njengoColumbus, wayekholwa ukuthi umhlaba wawuyindingilizi, futhi wabhekisia imikhumbi, njengoba sitshelwa, ukuthi ingena kanjani, futhi wayekwazi ukubona insika kude ngaphambi kokuba akwazi ukubona umkhumbi. Futhi kwamfakazela ukuthi

umhlaba wawuyindingilizi. Abantu babengakukholwa lokho ngalolosuku, kodwa wayeyindoda yombono. Wahlela ukuba afakazise impela ukuthi wayenombono wani, lelo kwakuyiqiniso.

³⁴ NoNkulunkulu wahlosa ukufakazela iZwi laKhe, iQiniso. Ngakho U... Kwakukhona uMuntu oyedwa owayengenza lokho, nalowo kwakunguJesu. Futhi Uyafika wase ekufakazisa lokho ukuthi kuyiQiniso. Kwalibeka uphawu. Nalokho kwephula zonke izimpawu zomnyama, futhi kwahlakaza zonke i—izinkoloze zezinye izinkolo, kanjalonjalo, lapho amadoda amakhulu yayivukile futhi ashо ezinkulu, izinto ezmangalisayo; kodwa a, onke, sethuneni. Kodwa inkolo yethu yamaKristu yiyyona kuphela enethuna elingenalutho. Nalokho kuyafakazisa kimi ukuthi UnguNkulunkulu wabafileyo, noNkulunkulu wabaphilayo, ukuthi Wayengavusa abafileyo, babuye baphile futhi. Nalamandla aphilisayo, uMoya waKhe ophilisayo, ufakazisile iminyaka ukuthi NguYe Ongaphilisa abafileyo, babuye baphile futhi.

³⁵ Futhi ngenkathi Efakazisa ngesithembiso saKhe, lamandla amakhulu anqobayo Ayenawo, ngePhasika Wafakazisa ukuthi Wayenganqoba ukufa, isihogo, nethuna. “NgiyiLowo owayefile, futhi sengiyaphila futhi, futhi ngiphila kuze kube-phakade naphakade; futhi nginezihluthulelo kukho—kukho ukufa, isihogo, nethuna.” I—inkulumombiko enje pho ukuba ingenziwa yinoma ubani. Futhi akusikho kuphela ukuthi Wayenza, kodwa Wayesevele ekufakazisile ukuthi Wa—Wayenakho Ayezisho ukuthi unakho.

³⁶ Futhi ngicabanga ukuthi, uNkulunkulu usheshisa usuku ukuthi lapho thina, njengamaKristu akholwa yileliBhayibheli, singafakazisa ukuthi sikhuluma ngani. Niyabo? Yilokho okwenza, njengoba kushiwo esikhashaneni esedlule, “Usawoti womhlaba,” udade ushilo. Kunjalo. Izwe lifuna losawoti. Futhi lapho singafakazisa ngezimpilo zethu, nangeBhayibheli, ukuthi izimpilo zethu ziqinisekisa leloZwi ukuthi liyaphila namhlanje, ukuthi lolo wusuku esilubhekile.

³⁷ IZwi, “LoMoya...” KwabaseRoma 8 lapho, lelo le 11, bathi, “Uma loMoya owavusa uJesu Kristu ekini, uyakuphilisa nemizimba yenu efayo.” Akusikho ukuthi Wafakazisa kuphela kuYe, kithi, ukuthi WayenguJehova uMhlensi futhi enamandla phezu kokufa, isihogo nethuna, kodwa futhi Usinike ukuba sibe nokungena eMoyeni ofanayo, ukuthi thina uqobo singaba nesiqiniseko ukuthi nathi futhi siphiliswa yilowomoMoya. Ngokuba uMoya owavusa uJesu kwabafileyo uhlala emzimbeni wenu. Uyakuphilisa nomzimba wakho ofayo. Manje, igama *philisa* lisho “ukwensiwa uphile emva kokufa.” Emva kokuba usofile, khona-ke uzophiliswa.

³⁸ Izwe belivalelwé ekungabazeni, izikhathi zeminyaka eminingi kwaze kwaba yileyonkathi. Lokhu kwafakazelwa, hhayi ukuthi kukhulunywe ngakho kuphela, kodwa kwafakazelwa. Ngicabanga ukuthi noma yini enosizo . . .

³⁹ Njengoba uJesu athi, “Ngakho hambani, nifundise izizwe zonke; futhi nifikazise kuzo, ngokubonakalisa amandla kaNkulunkulu kuzo. Lezizibonakaliso ziyakubalandela abakhholwayo.” Labo abathembisayo futhi bathi bayakholwa, Usinika ukuqonda okungunqamlajuqu kwakho, ukuthi, “Lezizibonakaliso ziyakubalandela abakhholwayo.” Kuyoba yisifikaziso sobufakazi babo. Manje, singasho ukuthi siyakholwa. Kodwa size sibe nesibonakaliso esifikazelwe Athi siyoba phezu kwethu, khona-ke siya *vuma* nje ukuthi singamakholwa, futhi akusikho *okungokwawo* amakholwa.

⁴⁰ Ngokuba, khumbulani, ezinsukwini ezimbalwa ezedlule, ngangilalele u—uhlelo lomsakazo kwiKAIR ezansi eTucson. Nalomfundisi wayevune uhlangothi olumelene nathi, ukuthi, “Inkolo yephentekoste yayingelutho kodwa nje okokukhohlisa. Kwakukhona . . . Ukuba ingalalelwá. Yayingagxilile.” Futhi wathi, “Noma yimuphi umuntu owakhulumá ngezilimi, nalezizinto, futhi azisho ukuthi u, philisa abagulayo, kanjalonjalo, ngomkhuleko, ukuthi kwakufanele kusukwe kukho. Futhi ukukhulekela labobantu abampofu abaluphele, ngenxa yokuthi babeseku—kukhohlisweni, ukuthi kwakukhona okwakungalungile kubo.” O, ngangingathanda kanjani ukuxoxa nalowomfowethu isikhashana nje! Futhi wathi i . . . “Ukuthi, lokho kwanikwa kuphela abaphostoli ngoSuku lwePentekoste, futhi kwakuyilokho kuphela.”

⁴¹ Ngithola ukuthi, eminyakeni engamashumi amathathu kamuva, uPawulu wayegcoba leziziphiwo eBandleni. KwabaseKorinte bokuQala 15, ukuthi, “Wabeka eBandleni isiphiwo sokukhulumá ngezilimi, izimangaliso. Nazo zonke lezi ezinye iziphiwo zabekwa eBandleni.”

⁴² UJesu wakusho lokho. “Hambani niye ezweni lonke futhi nishumayele iVangeli kukho konke okudaliweyo.” Kuze kufikephi na? “Ezweni lonke.” Kobani na? “Konke okudaliweyo.” Abakaze baLemuKele namanje. “Nalezizibonakaliso ziyakubalandela abakhholwayo.” Kuze kube nini na? “Ezweni lonke.” Kobani na? “Konke okudaliweyo. Lezizibonakaliso ziyakubalandela, kulolonke izwe, nakukho konke okudaliweyo. Lezizibonakaliso ziyakubalandela: ngeGama laMi bayakukhipha amademoni; bakhulume ngezilimi ezintsha; uma bephathe okubulalayo, noma inyoka, noma bephuza okubulalayo, akuyikubalimaza; bayobeka izandla zabo phezu kwabagulayo, futhi bayakusinda.” Lokho kwakungukuthuma kwaKhe kokugcina eBandleni, uMarku isahluko 16.

⁴³ UPawulu egcoba leziziphiwo eBandleni, eminyakeni engamashumi amathathu kamuva. Futhi wathi, kwabaseGalathiya 1:8, “Uma iNgelosi evela eZulwini ishumayela kini noma yiliphi elinye iVangeli kunaLeli eselivele lemukelwe,” niyabo, ebesselivele lishunyayelwe, “mayibe ngeqalekisiwego.” Ngikholwa ukuthi iphentekoste yaqala ingenasiphelo. Ngikholwa ukuthi izofanele ibe kukho konke okudaliwego, ngazo zonke izikhathi, kuzo zonke izindawo, leyophentekoste ifanele ihlale ikhona njalo. Izibusiso zephentekoste zifanele zibe phezu kwabantu.

⁴⁴ Futhi manje, siyini lesibusiso sephentekoste na? Singukuqiniswa kokuvuka. Akumangalisi iVangeli qobo lwaLo lichaza ukuthi “izindaba ezinhle.” Izindaba ezinhle zani na? Uvukile kwabafileyo. “Futhi ngoba ngiphila Mina, nani niyaphila.” Nina enanifile esonweni naseziphambukweni, uNkulunkulu usiphilisile kanyekanye, ngalowoMoya owavusa uJesu kwabafileyo. Futhi manje sihlezi ezindaweni zaseZulwini kanye naYe, sixoxisana naYe, sikhuluma naYe. Injabulo enje pho yokutshela abantu leyondaba, okholwa ukuthi iyiQiniso!

⁴⁵ Ngiyamangala, namhlanje. Kuyilokho okwenzekayo. Ngabe ngempela siyisa abantu kuNkulunkulu na? Ngabe nje sibayisa esontweni na? Sifanele sibayise kuKristu, lapho okukhona lamandla aphilisayo. Kuhle ukuya esontweni. Impela. Uma sihamba sigcine lapho, akukude ngokwenele. Uma uza esontweni, lokho kuhle; kodwa qhubekela kuKristu, usuka esontweni, ngoba sifanele semukele lamandla aphilisayo, uma siyoke silindele ukuba sibe kulokho kuvuka kwabantu bonke, ngoba yiyonanto kuphela eyoke ize isilethe siphume kwabafileyo. “Ngokuba uma loMoya owavusa uJesu kwabafileyo ehlala kini, Uyakuphilisa futhi, wenze, ulethe ekuphileni imizimba yenu efayo.” Isithembiso esinje pho kithi!

⁴⁶ Manje qaphelani. Wona impela umsuka walokhu ukuvuka ungukutshela nokubonisa, nokufakazisa ukuthi uJesu uvukile kwabafileyo. Akafile. Ungophilayo. Uphila lapha. Ukithi. “Ngiyakuba nani, ngibe kini. Kuseyisikhashana nezwe lingekе lisaNgibona. Nokho, nina niyakuNgibona, ngokuba Ngiyakuba nani, ngibe kini, kuze kube sekupheleni kwezwe.”

⁴⁷ Manje, njengamaKristu, sonke sisho ukuthi Uyaphila, noma siphilisiwe e—siphilisiwe ekuphileni...ekufeni saya ekuPhileni, ngoMoya waKhe. Futhi uma singaphiliswanga, khona-ke asenziwanga saphila.

⁴⁸ Manje sizobhobokela kulendaba, iNkosi ithanda, nokuthi ukukufundisa imizuzu embalwa, ukuthi: siphiliswa kanjani, futhi singaqiniseka yini ukuthi leli yiQiniso na?

⁴⁹ Manje, lena yimpilo yakho uqobo, lena yimpilo yami. Yilapho i...Uma lokhu kungesilo iQiniso, engilungiselela ukukusho, khona-ke ngingomunye wabantu abayiziwula

ezinkulu kunazo zonke ezweni. Nginikele impilo yami entweni okungekho lutho kuyo, futhi nenze kanjalo nani. Kodwa uma kuyiQiniso, khona-ke ngikweleta yonke into engiyiyo. Ngikweleta yonke into ebengingaba yiyo, esizathwini, salokho esikumeleyo. Futhi ngicabanga ukuthi asifanele ukulahla umdlandla wethu.

⁵⁰ Futhi njengoba sibona iPhasika lisondela, kwenza okuthize nje phansi kimi, njengoba nga—ngazi ukuthi lolo wusuku into eyabekwa uphawu kuze kube-phakade, ebusweni bukaNkulunkulu.

⁵¹ Manje, siyaqaphela, nguMoya ofanayo owaMvusa ethuneni, ohlala kithi. Manje, lokho bekungenzeka kanjani na? UMoya owavusa, uNkulunkulu, uJesu kwabafleyo, unokuhlala kithi.

⁵² Manje, manje, nguMoya ophilisayo. Akusilo iZwi eliphilisayo. NguMoya ophilisa iZwi, noma unika iZwi ukuPhila, uLinika amaphiko ukuba lindize, uLinikeza ukungena. NguMoya owenza lokho.

⁵³ Manje, ukolo, wodwa, ungukolo nje; kodwa uma ukuphila okuphilisayo kungena kuwo, kungene kukolo, khona kuwanika ukuphila. Futhi thina esasifile, senziwe ngomfanekiso kaNkulunkulu, kepha nokho sifileesonweni nasesiphambekweni, kunendlela thize uNkulunkuu okwadingeka afake lokhu ukuPhila okuphilisayo emizimbeni yenu efayo. Ngikhulumu ngomzimba wakho.

⁵⁴ Manje, uJesu wayeyiZwi. Niyakukholwa lokho, anikukholwa na? [Ibandla lithi, “Amen.”—Umhl.] “Ekuqaleni...” UJohane oNgewe 1, “Ekuqaleni wayekhona uLizwi, uLizwi wayekuNkulunkulu, uLizwi wayenguNkulunkulu. NoLizwi waba yinyama wakha phakathi kwethu.”

⁵⁵ Manje, njengoMesiya owathenjiswayo, Waphilisa lonke iZwi elaprofethwa ukuthi Uyolenza; aphilise abagulayo, nokuthi Wayezozalwa kanjani yintombi, konke lokho, wakwenza. Kuqinisile. WayeyiZwi, libonakaliswa lapha emhlabeni, kodwa Wayengenakwenza lokhu njenguMuntu nje. Kuthath uMoya kaNkulunkulu, uhlala kuYe, ukuphilisa lezizithembiso kuYe. Ngethemba ukuthi siyakuthola lokhu kucace ngempela manje. UJesu, enguMuntu, uqobo lwaKhe, umzimba, kodwa kwathatha uMoya kuYe, uMoya. “AkusiMi owenza imisebenzi. NguBaba waMi ohlala kiMi. NguYe owenza imisebenzi.” Niyabo? UJesu uqobo lwaKhe wayeyiZwi, ngoba Wayekhona. Ngaphambi kukaNkulunkulu...

⁵⁶ Leli yigama elibi ukulisebenzisa, futhi ngethemba ukuthi nilithatha kahle, phambi kwesixuku. Kodwa Wamiselwa ngaphambili ngokwaziphambili kukaNkulunkulu, ukuthi icebo likaNkulunkulu lalizoba njani, ukuthi Wayezothumela uMhengi, naloMhengi wayengaba kuphela yiNdodana yaKhe uQobo. Ngakho, manje-ke, leso kwakuyisithembiso

sikaNkulunkulu, kusukela le ensimini yase-Edene, ukuthi uJesu wayezoba lapha. Wayelapha njengoMuntu, ezalwa yintombi, kodwa kuthathe uMoya kaNkulunkulu ukuphilisa leloZwi kuYe. Futhi WayeyiZwi, eliphilisiwe, iZwi liphilisewa lelohora. Isikhathi sasefikile lapho kwase kudingeka nibe noMhlengi. Umtetho wawehlulekile. Ezinye izinto zazehlulekile. Manje, kuthatha uMhlengi, futhi WayenguMhlengi othenjisiweyo. Waphiliswa yiZwi likaNkulunkulu.

⁵⁷ Futhi manje uma lowoMoya ofanayo owawuphezu kwaKhe ukuba abe nguMhlengi kulowonyaka, ukuthi sesemukele manje isithembiso salezizinsuku zokugcina, ukuthi kuzokwenzekani; uma uba yinxenye yaleloZwi, uhlgengwa kanye naYe, ngoba uMoya ofanayo owawuhleli kuKristu uhlala kuwe, uphilisa ukuphila kwakho kulonyaka. Kanti Uzothi futhi, esikhathini sokuphela, uphilise imizimba yenu efayo, uyivuse, uyikhuphule futhi. Lokho kususa umnyama uma sikubuka, kulokho. Futhi lelo yiQiniso. Niyabo?

⁵⁸ KwabaseRoma lapha, uPawulu usekufakazisile kithi. Niyabo? "Uma uMoya walowo owavusa uJesu kwabafileyo ehlala kini, uyakuphilisa nemizimba yenu efayo." Lona nguMoya ofanayo owaMvusayo, owaphilisa ikholwa leqiniso ekuPhileni okuPhakade. UMoya owavusa uJesu kwabafileyo uhlala ekholweni, uphilisa ikholwa ekuPhileni okuPhakade.

⁵⁹ Kunye kuphela ukuPhila, uMoya oPhakade owodwa, ukuPhila okuPhakade okukodwa, nalowo nguNkulunkulu. UNkulunkulu, yedwa, uPhakade. Bese kuthi-ke thina, singabantwana baKhe, siyinxenye yaKhe, okungukuthi, izinxenye ezingahlukaniseki zokucabanga kwaKhe. Nomcabango uyezwakaliswa bese uba yizwi. Manje-ke, umuntu oyedwa ngamunye phakathi lapha, onalokhu ukuPhila okuPhakade, wayekhona ngaphambi kokusekelwa kwezwe, ekucabangeni kukaNkulunkulu. Yiyona-ndlela kuphela okwakungaba ngayo, ngoba wena uyinxenye engahlukaniseki. Lokho ngukuzwakaliswa komcabango, usube yizwi; neZwi lithathe ukuPhila, futhi liPhakade. Yingalesosizathu sinokuPhila okuPhakade. Esimisweni esifanayo iNdodana kaNkulunkulu enkulu, uMhlengi, siba ngamadodana namadodakazi kaNkulunkulu, ngalowoMoya ofanayo, ngokwaziphambili kukaNkulunkulu okufanayo.

⁶⁰ Bukan izigidi emhlabeni ezingaLemukelanga ngenkathi uJesu elapha. Kodwa sifanele ukubonga kanjani kulokhu ukusa, ukwazi ukuthi sinobufakazi obubonakalayo obuqondile nezfikaziso zeBhayibheli, ukuthi sibaliwe kulokho kusa kokuvuka okukhulu okuzayo, leloPhasika elikhulu. Sinesibambiso sakho, khona manje emizimbeni yethu efayo. Abamiselwa ngaphambili bangabokuqala, kusobala, ukuba baphiliswe, uma uMoya oNgcwele esefika ukuthatha abaKhe uqobo.

⁶¹ Manje, kukhona inkulumombiko enkulu, futhi ngifuna abafowethu abangabefundisi ukuba bazame ukukuqonda lokhu. Niyabo? Ekuqaleni, uNkulunkulu, uMoya omkhulu, Wayengesuye ngisho “uNkulunkulu” ngaleyonkathi. WayeNgoPhakade. *UNKulunkulu* “yinto ekhonzwayo.” Wayengenalutho lokuMkhonza. Kwakungekho—kwakungekhoziNgelosi, kungekho lutho. KunguNkulunkulu yedwa nje, Yena yedwa, uPhakade. Kodwa, ukuze abe nguNkulunkulu, kwafanele kubekhona into yokuMkhonza, ngakho Wadala iziNgelosi, neziDalwa, namaKherubi, kanjalonjalo, ukuMkhonza. Icebo laKhe elikhulu liqala ukusombuluka.

⁶² Kodwa khumbulani, nina, e—emumweni enikuwo, kulokhu ukusa, uma naningekho ekucabangeni kwaKhe ngaleyonkathi, anikho manje. Ngokuba nina, kunenxenyi ethize ekini, ePhakade, nokuPhakade kungokukaNkulunkulu kuphela. Futhi kuNkulunkulu kwakungukucabanga kwaKhe ngawe uhlezi khona lapha okhona manje. Ekucabangeni kwaKhe, ngime epulpiti kulokhu ukusa, ngoba Ungongenasiphelo futhi wazi izinto zonke. Ngakho-ke Wakwazi ukusho ukuphela kusukela ekuqaleni, ngoba UPhakade. Futhi wena, ngokuba yindodana kaNkulunkulu noma indodakazi kaNkulunkulu, khona-ke wawusekucabangeni kwaKhe ekuqaleni.

⁶³ Beso kuthi-ke nxaxufika uMoya oNgcwele, futhi wena usemhlabeni, uhambahamba lapha njengeson, phansi le empilweni yakho lapho yinto ethize. Awazi ukuthi kwenzekani, kodwa ulambile. Ngezwa umfowethu oyipresbyterian, ngezwa u—umBaptisti ekhuluma ngokuthi, emuva lapho, wayeyi—yiBaptisti Freewill, eshumayela lapho angakwazi khona. Umfowethu wakithi, ukuthi wena, kukhona okuthize kuwe, into ethize ongazange uyifake lapho. Kuyinto ethize obungeke wafisa ukuba ube phakathi lapho. Kuyinto ethize ephambene nemvelo yakho uqobo. Ngukwaziphambili kukaNkulunkulu, kwenzeka, iZwi likaNkulunkulu.

⁶⁴ Futhi uJesu wazalwa eyiNdodana kaNkulunkulu, ukuba abe nguEmanuweli, ukuzwakalisa kukaNkulunkulu okugcwele kuMuntu. Futhi WaMthola esekulaleleni okuphelele, ezansi eMfuleni waseJordani, ebhaphathizwa yilowomprofethi. Futhi wathi nje AngaMlalela, futhi waphuma emanzini, amaZulu avuleka kuJohane. Wayesebona uMoya oNgcwele wehla uvela eZulwini, uthi, “Lo uyiNdodana yaMi ethandekayo.” Niyabo? Ukulalela okuphelele, uMoya wawuMfunisisile, ekulaleleni.

⁶⁵ O, silisa esiphiyazayo noma sifazane, kulokhu ukusa, uma uhlezi lapha, futhi kukhona into ethize kuwe ekutshela ukuthi Lokhu kuqinisile, nguMoya oNgcwele ukufunisia, ukukuletha ekwazini kweQiniso lalelihora esiphila kulo manje, hhayi elinye ihora eledlulayo, ihora manje.

⁶⁶ Kwakukhona izinkulungwane lapho ezazikade zilalela ihora eledlulayo. Kodwa kwakukhona ihora lenkathi yamanje, lelo kwakuyihora uJesu ayezqhamuka ngalo, futhi nakho kumi iZwi. Nakho kumi abantu. Futhi lapha kwakungukubonakala kukaNkulunkulu kwenzeka, ukuqinisekisa lokho okwakuyiQiniso.

⁶⁷ Nanjengabantu bephentekoste, namhlanje, mangisho lokhu, ukuthi simi kulezizinsuku zokugcina lapho uNkulunkulu ethembise khona ukuthi Uyothulula uMoya waKhe phezu kwayo yonke inyama, namadodana aKhe namadodakazi afanele aprofethe. Ngokuba Wathi, “Lezizibonakaliso ziyakubalandela abakhholwayo.” Yihora. Yilokho okwenza lokho okudaliweyo phakathi kuwe.

⁶⁸ Njengoba ngikhulumile lapha, esikhathini esingeside esedlule, kuzwakale njengokuthuka into engcwele; kodwa ngethemba ukuthi akuthuki, kini, kulokhu ukusa. Umlimi owabeka ukhozi, noma wabeka isikhukhukazi, futhi wayeneqanda lokhozi. Abaningi benu uyayikhumbula indaba yokhozi oludala luzala ku—kuleli... Noma, isikhukhukazi sizala lapha kulelichwane, noma—noma—noma iqanda lokhozi phansi kwezimpiko zalo zamachwane. Niyabo? Yisimo sendawo.

⁶⁹ Ibandla lePresbyterian, ibandla leMethodisti, ibandla leBaptisti, noma yiliphi lawo lingaveza lezizinkozi. Impela. Yisimo sendawo esikwenzayo. Njengoba uDr. Bosworth wayevamise ukuthi, “Ungathatha iqanda lesikhukhukazi bese ulibeka ngaphezulu, phansi komdlwane, bese uwubophela phansi, umdlwane uyochartsela ichwane.” Ngani na? Yisimo sendawo. Futhi uma noma yiliphi ibandla noma yiliphi iqembu eliyobuthana ndawonye, futhi likhuleke baze bantshinge izivumokholo zabo nezinto, futhi babuke ngqo ebusweni bukaNkulunkulu, liyoveza izinkozi ngokuyikho impela njengoba ngimi lapha nje.

⁷⁰ Yilokho engicabanga ukuthi leliqembu losomabhizinisi likwenzile, lizama ukuchitha isimo sendawo. Sithola umoya wobuqembu kakhulu. Omunye ungowa *leli na lelo*. Asichithe isimo sendawo bese singenisa isimo sendawo ekukhonzeni kwaseZulwini. Sithole isimo sendawo kahle, izinkozi zizozalwa, futhi—futhi kunoma yiliphi ibandla, nomaphi.

⁷¹ Nalolukhozi oluncane lwahamba nesikhukhukazi isikhathi eside, kodwa u—ukukukuza kwakuthi ukuxaka. Lwalungaqondi ukuthi isikhukhukazi sasisho ukuthini uma siqhswana e—e—ezaleni lezingwaba zomquba e—emagcekeni. Futhi lokho kwakungesikho ukudla, kulo. Futhi sidla izilokazana, kanjalonjalo, ukhozi olungazidli. Ngakho kwakubonakala kuxakile, konke, kulo. Futhi lwaluyichwane ledada elibi, lwaluyilo. Ngingasho lokhu ukuthuka into engcwele.

Mhlawumbe lwaluyiBaptisti Freewill, futhi, kodwa into ethi ayifane nalokho, noma iPrebyterian.

⁷² Kodwa, niyazi, ngoluny'usuku unina wayazi ukuthi wayezalele iqanda. Kwakufanele kubekhona umntwana ndawondawo. Ngakho wajwiba amaphiko akhe amakhulu emimoyeni, wase efunisia efunisia, ekhala kakhulu ngephimbo lakhe lonke. Futhi ngoluny'suku, wedlula phezu kwesibuya. Futhi ngenkathi lolukhozi oluncane luzwa lokhu ukukhala okwejwayelekile, lwalungakaze lukuzwe ngaphambili, kodwa lwaqonda ukuthi kulifitha njeneggilavu esandleni. Futhi lwazi ukuthi lowo kwakungunina. Wazi ukuthi leyo kwakuyindodana yakhe. Wayecinga yona.

⁷³ Wenzenjalo noNkulunkulu, kuyo yonke iminyaka, ugcobe iBandla laKhe lalowonyaka, uMlayezo walowonyaka. Futhi bebengaba nemithetho nanoma yini abayifunayo. Kodwa uma kufika lelohora, uMoya oNgcwele kaNkulunkulu, owathi ekuqaleni wacabanga futhi wakhulumu okwalowonyaka, lowoMoya uzingela leloqanda. Futhi uma luzwa lowoMlayezo, akukho-hlelo lebandla elizolubamba. Luyophakama luye emajukujukwini. Lufanele. Luyinyoni ehlukile. Luyisidalwa esihlukile. Luwukhozi, futhi luyokuzwa ukukhala kakhulu. "Izimvu zaMi ziyalizwa iPhimbo laMi."

Njengomunye wathi, uMfowethu Williams, "UKudla kwezimvu."

⁷⁴ "Izimvu zaMi ziyalizwa iPhimbo laMi. Umfokazi azisoze zamlandela." Akunandaba ukuthi ibandla belethembeke kangakanani, nokuthi igama lalo likhulu kangakanani elinalo. "Uma izimvu zaMi zizwa iPhimbo lami," okuyiZwi, "umfokazi azisoze zamlandela." Ziyohamba ziqonde ngqo kuleloZwi, futhi zingakwenza. Kunjengo—ngo—ngozibuthe.

⁷⁵ Ngoluny'usuku, enhla eIndiana, ngangivakashela leyomishini yezinsimbi, kwase kukhala impempe. Nabo bonke abantu bakhumula izingubo zabo zokuvikela, base beqala ukushaneli i...bephuma emishinini yabo yokundingiliza insimbi, kuphela phakathi nendawo phansi, izingcwecwe ababezenzile osukwini. Futhi ngangihambisana nomuntu owayengibonisa, wayesethi, "Bhekisisa lokhu." Futhi ngakho wonke umuntu wayebeke okokwembesa ibhentshi lakhe—lakhe phezu kwe—phezu kwetafula, wasuka wahamba.

⁷⁶ Emuva le ngemuva, wathinta inkinobho encane. Futhi nakhu kuza uzibuthe omkhulu wedlula, futhi wakucosha konke okuncinyane kwaleyonsimbi okwakucwecwe kulezozingcezu, manje, kwase kuyaphuma. Wakubutha; kwaqathakela esiqongweni esincane. Futhi kwancibikaliswa, kwenzelwa olunye ucezu lwe—lwezimpahla, into efanayo, ama eksela noma ngabe yini ababeyakha.

⁷⁷ Futhi ngama lapho futhi ngikubuka, ngaze nga—ngavele ngalahleka mina uqobo. Ngase ngithi, “Ngimangazwa yinto ethize.”

Wathi, “Iyini, mnumzane na?”

Ngase ngithi, “Ngiqaphela ukuthi okunye kwalokho akucoshekanga.”

⁷⁸ Wathi, “Yi aluminamu, nozibuthe awakhelwe ukubutha ialuminamu.”

⁷⁹ Ngathi, “Ngiyabona.” Wayesethi . . . Ngase ngithi-ke, “Awu, uyaqaphela, *nanto* ucezu lwensimbi lubekwe lwanquma.”

“Kodwa, uyabona, mnumzane, lubholelwwe phansi.”

⁸⁰ Ngathi, “Ngiyabona.” Futhi ngenkathi ekukhipha, ngathi, “Manje kwenzekani, lokho okungaphandle *lapho* na?”

⁸¹ Uthi, “Kubuyela ngqo emshinini, kuthululelwwe esiqongweni esincane, bese kuyabuya ngqo futhi kwenze elinye isondo.”

Ngathi, “Ayibongwe iNkosi!” Yilokho-ke. Niyabo?

⁸² Kukhona uzibuthe omkhulu ohlezi esibhakabhakeni, uNkulunkulu ngeliny'ilanga ayowuthinta ngeminwe yaKhe. Akukho-muntu owazi isikhathi EZa ngaso, hhayi ngisho neziNgelosi zaseZulwini, ayazi. UNkulunkulu yedwa uyazi. Kodwa kubekhona okuncweliwe okuthize okuphumve eBhayibhelini, amaKristu eBhayibheli, amakholwa alelihora. Omunye wawo angahle ukuba wayekade eyi eksela emuva koluny'usuku. *Lona* angahle ukuba ungenye inxenye ethize. Kuyaqhube ka ukuba kwenze umbuso omkhulu kaNkulunkulu. Kodwa kuzobunjwa ebhodweni lesiqongo esincane esikhulu sikaNkulunkulu, bese kubuye kuthululelwwa emifanekisweni kaNkulunkulu. Futhi labo nje ababutheka kuwo abayophakanyiswa. O, kukanjani uku . . . Kuyinhlanhla engaka pho, ukwazi ukuthi kukhona okuthize ekuvukeni okuphathelene nathi!

⁸³ Manje, qaphelani, qondani ukubiza kweZwi likaNkulunkulu, okuyinxenye yalo. Futhi wukhozi okhozini. Manje, uma lowomama wayekhale kakhulu njengo—ngoklebe, lwalungeke lukwazi. Lwaluyovele nje luzihlalele kahle esibuyeni. Kodwa kwakungukukhala kakhulu kokhozi. Kwakukhona okuthize ngaphakathi kulowomfo omncane, ukuthi wayazi ukuthi wayewukhozi.

⁸⁴ Nento efanayo inalo lonke ikholwa leqiniso. Nxa ukushunyayelwa kweZwi likaNkulunkulu kuvela, futhi kuqinisekiswa futhi kufakazelwa ukuthi yiZwi likaNkulunkulu lalelihora, khona-ke kukhona Okuthize phakathi kwekhola. Angikhathali ukuthi uyise wayethembeke kangakanani ebandleni, noma umama wakhe wayethembeke kanjani, noma omkhulu nogogo bakhe, futhi uma ibandla lifundisa okuphambene nalelihora lombaphathizo woMlayezo kaMoya

oNgcwele. Kukhona okuthize kuye okukhala kakhulu. Uyosishiya isibuya. Ufanele akwenze. Izinkukhu ngahale ukuba zake zaba kahle ngoluny'usuku, kodwa leli yihora lokhozi. Niyabo? Ku—kungokwehlukile. Kukhona okuthize, ukuthi, ufanele asishiye isiminyaminya futhi asuke andize ayongena esibhakabbakeni. Khona-ke lomzimba wasemhlabeni uyaphiliswa bese uyaletswana, nguMoya ophilisayo, ekulaleleni iZwi likaNkulunkulu.

⁸⁵ Manje, nxa loMoya oNgcwele, umelwe njengokhozi lundiza phezu kwezwe, bese uthola ikholwa. “Akekho ongeza kiMi, akekho ongeza kiMi njengoba efuna. Konke uBaba aNgiphe khona kuyakuza kiMi, kodwa akukho muntu ongazizela yena.” Akusikho ukucabanga okungokwakho, ukudonsa okungokwakho. NguNkulunkulu, edonsa. Niyabo? “Konke uBaba aNgiphe khona kuyakuza kiMi.”

⁸⁶ Manje, uMoya oNgcwele ulapha emhlabeni, ufunisia labobantu ngabanye uNkulunkulu abamisele ukuPhila kulonyaka. Futhi kuzothi nje ungaKuthola, Wenza njengoba nje Wenza kuJesu Kristu, iNdodana kaNkulunkulu enkulu ephakemeyo Eyasihlenga sonke. Uyehla bese Uthatha indawo yawo yokuhlala empilweni yomuntu, manje, qaphelani, waletha amandla okuphilisa. Manje, lawomandla okuphilisa afika phezu kukaJesu aMphilisa ukuba abonakalise zonke izithembiso zeZwi langalolosuku. Wenza kanjalo noMoya oNgcwele ofika phezu kwethu ngalolosuku, uma kungesiwo umoya ongcwele obhuqayo, awusuye uDeveli ebhuqa uMoya oNgcwele, kodwa owangempela, uMoya oNgcwele weqiniso. Uyobonakalisa isithembiso salelihora.

⁸⁷ Ngenkathi Wehlela phezu kukaLuther, Wabonakalisa lesosithembiso salelohora. Ngenkathi Wehlela phezu kukaWesley, Wabonakalisa isithembiso salelohora. Ngenkathi Wehla ngalolosuku, Ubonakalisa isithembiso salelihora. Ngenkathi Wehlela phezu kukaMose, Wabonakalisa isithembiso salelohora. Wehlela phezu kukaNowa, Wabonakalisa isithembiso salelohora. Ngenkathi Wehlela phezu kukaJesu, Wabonakalisa isithembiso salelohora. Niyabo?

⁸⁸ NguMoya oNgcwele wehla, ukuphilisa, upholisa labobantu ogcotshwe ngaphambili nguNkulunkulu ukuba babe sekuHlwithweni. Qaphelani. Lokho ngukuthi, uma ewukhozi lweqiniso, uzowuqonda uMlayezo wehora uma ewukhozi lweqiniso. Manje, ukhozi oluncane cishe, esibuyeni, lwaludla kahle, kodwa lwa—Iwalwazi ukuthi nje kwakungekuhle hle. Kodwa kepha-ke ngenkathi luzwa iQiniso, khona-ke lwalemukela leliQiniso. Manje, kuJohane 14 . . .

⁸⁹ UJohane 5:24, njalo, uJesu wathi, ekhuluma ngalendlela, “Ozwa amaZwi aMi, akholwe NgoNgithumileyo, unokuPhila okuphakade, futhi akasayikuza ekwahlulelwani, kepha

wedlulile ekufeni wangena ekuPhileni.” Cabangani nje ukuthi kulula kanjani, “Okholwayo.” Manje, indlela eyiyo yokusho lokho, “Oqondayo.”

⁹⁰ Manje, uphumela lapha emgwaqwensi bese uthi kulesisifebe, “Uyakholwa na?”

“Impela.”

“Uyakholwa ukuthi UyiNdodana kaNkulunkulu na?”

“Ngempela.”

“Ubhaphathiziwe na?”

“Impela.”

⁹¹ Yehlela esidakweni, uthi, “Uyakuzwa Lokho na? Uyamuzwa lowomshumayeli eshumayela na?”

“Ya.”

“Uyakukholwa Lokho na?”

“Impela.” Niyabo?

⁹² Kodwa, “Oqondayo, oyaziyo indawo yakhe kulelihora, ozwa iZwi laMi akholwe NgoNgithumileyo, uno” (inkathi yamanje) “Kuphila okuPhakade. Akasayikuya ekwaHlulelweni, kepha usevele wedlulile ekufeni wangena ekuPhileni.” Beseke uma lokhu ukuPhila okuPhakade okusha kuhlala kini, Kungosekuqalile, noma isibambiso senu niphiliswa ekufeni niye ekungafini.

⁹³ Angikusho lokho futhi. Uma LoMoya usunitholile, umuntu ngamunye, futhi usufike phezu kwakho, Usungokuqalile kwefa lakho laPhakade uNkulunkulu acabanga ngawe futhi walenzela wena ngaphambi kokusekelwa kwezwe. Lokho kungokwakho osekuqalile.

⁹⁴ Njengokuthi uma ungicelle isihlahla se oki, futhi ngikunike isithelo se oki. Manje, u—u—ukuphila kwe oki kusesithelweni se oki manje, kodwa uzofanele ulinde size sikhule.

⁹⁵ Sinjalo nathi. Uma wemukela uMoya oNgcwele kaNkulunkulu, Ungosekuqalile kaNkulunkulu kulinde wena, lokho sekuvele kukuvumile. Futhi ubekwe uphawu ngoMoya wesithembiso, kaNkulunkulu, eMzimbeni kaKristu. Ngenkathi uNkulunkulu ebuka phansi eKalvari futhi wabona uJesu efa, Aka... O! Wafela uMlobokazi waKhe, uMzimba, oyiBandla eliyiZwi, iBandla elikhholwa yiZwi likaNkulunkulu lonyaka, noma ngabe yizinyawo, umzimba, ikhanda, noma ngabe yini. Niyabo? Yi.... UKristu wayopha futhi efa. Futhi uNkulunkulu, eMbuka, wabona ukuvuka kwaKhe, neBandla lavuka naYe ngePhasika.

⁹⁶ Manje, ngifuna nikuhlanganise konke lokhu ndawonye, ngoba nginokuthize lapha esikhashaneni esincane, engifuna ukukusho, iNkosi ithanda.

⁹⁷ Manje qaphelani. Yisibambiso, noma osekuqalile, amandla aphilisayo okuvuka kwenu, uma nemukela uMoya oNgcwele. Manje-ke Uhlala kini, osekuqalile kwavo.

⁹⁸ Qaphelani, ni—nisendleleni yenu manje, nikhula niya ekuvukeni okugcwele. Akukho-sihlahla esiphuma ngobusuku nje. Sifanele sikhule, njengoba sikhula emseni nasekwazini kukaNkulunkulu. Nibhaphathizelwa kuMoya oNgcwele. Manje, njengeBandla lasephentekoste, libhaphathizelwa kuMoya oNgcwele, Liqala ukukhula. Amagatsha lfile. Babewathena. Kodwa isiHlahla sisalokhu sikhula, sisalokhu siqhube, ngoba Sizofanele sifike ekuvukeni.

⁹⁹ Baholwa nguMoya oNgcwele, ukuphilisa iZwi kini eningamakholwa. IZwi lilokhu liphilisa, njengoba niza egatsheni lokuqala, igatsha lesibili, igatsha lesithathu, kwenyuke njalo. Lilokhu liphilisa nje. UMoya kaNkulunkulu ulokhu uphilisa kini.

¹⁰⁰ Kuqapheleni lokho, iPhentekoste, imizimba yabo yaphiliswa ngukuPhila okusha abakwemukelayo. Lokho kungenza ngizizwe nginokholo. Cabangani. Manje, lapha kwakungamadoda, abadobi, abathelisi, abesifazane abancane abazithobile be...futhi nje bengamakhosikazi emizi ajwayelekile, amantombazane amancane aseyizintombi. Babengamakholwa. Babekholwa ukuthi leli kwakuyiQiniso. Babekukholwa lokho, ngenkathi uJesu efa. Babekholwa kuYe. Futhi wabuye wavuka, kwabafileyo; babekukholwa lokho ukuthi kwakungubufakazi bukaNkulunkulu ngokoqobo, ukuthi WayeMphilisele ekuphileni.

¹⁰¹ Manje, bayenyuka, beya oSukwini lwePhentekoste, ukuba bemukele incwadi ewubufakazi. Niyazi ukuthi incwadi ewubufakazi iyini na? Kungenkathi incwadi eyisibopho ehambisana nomthetho isiphothuliwe. Benyukela lapho ukuba bemukele incwadi yabo yobufakazi. Base bephiliswa, noma ukuxhuxhumisa okunje pho! Babelithengile izwe; lalithengelwe bona. Babelemukelile.

¹⁰² Ngabe kuyiqiniso noma akusilo na? “SiMbonile evuka, kodwa manje thina-ke? Singofakazi. Sama futhi sambona uMuntu ebethelwa. Sibone amafu efika phezu komhlaba futhi enza-mnyama izibhakabhaka. Nom—mhlabu wazamazama futhi wangqangqazela; waba nokuphelelwa ngamandla kwemizwa. Kwase kuthi ngenkathi...BaMfaka ethuneni. BaMgwaza enhliziyweni, ngomkhonto, base bethatha umzimba waKhe bawehlisa base bewulalisa ethuneni likaJosefa waseArimathiya.

¹⁰³ Base-ke bethola, ukuthi, ngosuku lwesithathu, Wavuka futhi. Futhi njengoba umfundu wathi, “Singofakazi balokhu. SiMbonile evuka futhi. Siyazi ukuthi Uyaphila.”

¹⁰⁴ Manje lokho kwenzani na? Lokho kwakhapha konke ukwesaba. Akumangalisi uJesu athi, “Ningesabi. NginguYe

owayefile, futhi sengiyaphila kuze kube-phakade.” Niyabo? Kukhiphe konke ukwesaba, ngenkathi benza lokho.

¹⁰⁵ Manje, kodwa ngenkathi benyukela ePhentekoste, lapho bemukela amandla okuphiliswa, amandla abenza baphila.

¹⁰⁶ Manje yilapho engicabanga khona ukuthi, nina bazalwane bePresbyterian nabeMethodisti, nemukela khona ngosekuqalile ekukholweni eNkosini uJesu Kristu, kodwa incwadi ewubufakazi ayikafiki nokho. Lokho ngukuphothulwa kwencwadi yesibopho ehambisana nomthetho.

¹⁰⁷ UNkulunkulu wanikeza uAbrahama isithembiso. UAbrahama wamkholwa uNkulunkulu, futhi kwabalelwya kuye ukuthi kungukulunga. Kodwa Wanamathelisa ngophawu isivumelwano ngophawu lokusokwa.

¹⁰⁸ NoNkulunkulu uninikeza isithembiso, esesingukuqala, ukuthi nizosemukela, futhi nizovuswa, lomzimba uzokhazimuliswa kanye naYe ngesikhathi sokuphela. Kodwa, niyabo, nizofanale nthole ukuphothula kuleyoncwadi yesibopho ehambisana nomthetho. Nokuphothula kungenkathi yonke into emelene nayo isisusiwe, bese nthola incwadi ewubufakazi kuyo. Ninophawu. Eyenu. Yonke into ekuyo ingeyenu. Amen.

¹⁰⁹ Futhi uma sikhola kuJesu Kristu enguMsindisi wethu, futhi siphenduke futhi siyabhaphathizwa, bese senyukela ekuMkhholweni; uNkulunkulu uvuma ukuphenduka kwethu nokukholwa kwethu okubheke kuYe, bese ehlisa incwadi ewubufakazi. Nencwadi ewubufakazi iyisiqiniseko. Iyigaranti ukuthi, yonke into enake nagodlelwa yona, niphenduke ngokuyikho impela. Haleluya! Nempahla isithengiwe, futhi niphethe incwadi ewubufakazi besiqiniseko.

¹¹⁰ Ake omunye azame ukukususa emhlabeni, athi owakhe, futhi wena unencwadi ewubufakazi esandleni sakho. Ake azame. Akukho-mthetho ezweni ongakwenza, ngoba uphethe incwadi ewubufakazi.

¹¹¹ Futhi akukho-develi, akukho-bandla, noma nayiyiphi isayense yezenkolo, engake yeqe imincele yobufakazi bukaNkulunkulu nencwadi ewubufakazi, ukuthi umbhaphathizo kaMoya oNgcwele usivumile thina kuJesu Kristu. Siqiniseke ngempela ukuba sivuke njengoba Avuka, ngoba sesivele sikuqalile ukuvuka kuYe. Amen.

¹¹² Izinto ezindala. Kwenzani emizimbeni yethu efayo na? Kuphendula umbono wethu, kushintsha umcabango wethu. Kubeka izintando zethu ezinkulu ezintweni eziPhezulu. Nokubhema, ukuphuza, ukugembula, izinto enanivamise ukuzenza, kufile. Kuphansi kwenu.

¹¹³ Futhi niyaphiliswa. Nalamandla aphilisayo aletha umzimba wenu ungene esimweni esihlwithiwe, vele. Qaphelani abantu

bephentekoste phezulu lapho, ngenkathi bephiliswa nguMoya oNgcwele. Ngilaleleni. Ngenkathi leloqembu lephentekoste phezulu lapho, ngoSuku lwePhentekoste, bemukela incwadi yabo eyisibopho ehambisana nomthetho yencwadi ewubufakazi evela kuNkulunkulu, impela, yakhazimulisa imiphefumulo yabo. Bampompoloza. Babona ulimi loMlilo lwehlukana phezu kwalowo nalowo wabo. Futhi kwaphilisa kakhulu umzimba wabo, baze ababe besakwazi ngisho nokukhuluma ngolwimi lwasemhlabeni. Kwaphilisa umzimba wabo waya olwimini lwaseZulwini, iNdawo abaya kuyo. Amandla aphilisayo kaNkulunkulu ashukumisa imizimba yabo efayo kanjalo, kwaze kwathi lonke ulimi lwabo olufayo lwaphenduka esinye isimo, lwaguqulelwa olwimini olungafiyi. Amandla aphilisayo anje pho! Ini? Into engeyabo.

¹¹⁴ “Uma uMoya owavusa uJesu kwabafileyo, ehlala emizimbeni yenu efayo, Uyakuphilisa nemizimba yenu efayo.” Siyaphiliswane ngamandla kaNkulunkulu ophilayo.

¹¹⁵ Izilimi, ziphiliswa zibe wulimi olusha lwaseZulwini, ukukhuluma kubo, ukuhlwithelwa phezulu, bavuswe bangene esimweni sendawo ese hlukile kunalapho abake bahlala khona. Futhi, nokuPhila okusha okuphilisayo kubo, okungena kubo, Kwaphilisa ulwimi lwabo. Bakhuluma ngezilimi ezintsha. O, yebo!

¹¹⁶ Manje baqapheleni. Kwakuklanyelwe futhi ukubanika, emva kwalencwadi ewubufakazi, kwaklanyelwa ukubanika zonke izithembiso ezazisemihlabathini. Zonke izithembiso emihlabathini yeZwi likaNkulunkulu, eyathenjiswa eBhayibhelini, lawomandla aphilisayo abanika zona, ukuphilisa lesosithembiso kubo. Ngakho-ke, babeka izandla phezu kwabagulayo, baphiliswa. Bakhuluma ngezilimi ezintsha. Benze izibonakaliso ezinkulu nezimanga, ngoba lokho kwakusesithembisweni sikaNkulunkulu. Futhi ngenkathi uJesu efa, ukuhlenga lokho ukuba kubuyele kubo, imihlabathi eyayingeyamadodana kaNkulunkulu, Wabonakalisa ngokwenza lokho uNkulunkulu ayeyikho.

¹¹⁷ Sinesibindi esingakanani ukuba thina senze lokho kube okomphakathi futhi sikufake enhlanganweni na? Asinamalungelo okwenza lokho.

¹¹⁸ NguMoya oNgcwele, namhlanje, ufunisia izinhliziyo eziqotho ezizokholwa yilowoMlayezo. Yonke into eBhayibhelini, eyethenjiswa, iya kulelokholwa. Futhi uma nikuvuma ekugcwaleni kwakho, noNkulunkulu uyazi ukuthi niyokwenza, Uninika incwadi ewubufakazi kulokho. Bese kuthi-ke zonke izithembiso ezenziwayo ziphethwe yini, noMoya oNgcwele ulapho ukuphilisa lokho kini. O, he! Nhloboni yabantu e-esifanele sibe yiyo na? Kumangalisa kanjani ukubona uMoya oNgcwele omkhulu kaNkulunkulu lapha ukuba wenze

lawomandla! Kucabangeni. Ngenkathi, uMoya oNgcwele qobo Lwawo, lapha ukuba ufakaze ngalelihora. UJesu washo njalo. Nguyenza izolo, namuhla, naphakade.

Yimuphi ongaba nesibindi sokuba esule lokho akukhiphe lapho na?

¹¹⁹ “Imisebenzi engiyenzayo Mina nani niyakuyenza.” UJohane 14:12. “Lezizibonakaliso ziyakubalandela abakholwayo.” Leso yisiqiniseko. Uma sibona iqembu labantu lihlezi ndawonye, nalezozibonakaliso zizibonakalisa, leso yisiqiniseko sokuthi incwadi ewubufakazi ikhona ukuyinisekisa ukuthi leyo yimpahla kaNkulunkulu. Amen.

¹²⁰ Ngakho, siyiPhasika, nathi. Amen. Manje sisePhasikeni lethu. Sesivele sivusiwe, haleluya, sisuka ezintweni zezwe, saya ezintweni zesithembiso sikaNkulunkulu. Hhayi ukuthi siyovuswa; sivusiwe. Kuyizinto eseziqalile.

¹²¹ Yisithembiso sikaNkulunkulu. Uyothulula uMoya waKhe ngezinsuku zokugcina, futhi yilokho abayokwenza. Qaphelani, babeka izandla zabo phezu kwabagulayo; yonke into eyayisesithembisweni sikaNkulunkulu. “Ngiyakuthulula uMoya waMi ngezinsuku zokugcina, phezu kwayo yonke inyama. Abadala benu bayakuphupha amaphupho. Izinsizwa zenu ziyakubona imibono.” Nazo zonke lezizithembiso ezelukene Azenzayo, yonke into ibekwe khona lapho esithembisweni sikaNkulunkulu. UJesu wakuhlengela thina. Futhi uma siba . . .

¹²² Noma, thina, uma simiselwe kulowomhlabathi, uma simiselwe ukuba sibe kulowomhlabathi; njengokhozi luhamba esidlekeni senkukhu. Uma nimiselwe kulowomhlabathi, uMoya oNgcwele ulapha ukuba unithole. Futhi uma Unithola, niyakuqonda ukubiza kwaWo. Niyalazi ihora eniphila kulo. Niyazi ukuthi lezizinto zifanele zenzeke. Masinya nihlwithelwa phezulu ukuWuhlangabeza, futhi manje nihlezi ezindaweni zaseZulwini kuKristu Jesu. O, isithembiso esinje pho! UBaba waseZulwini onje pho, Ongasinika lezizinto!

¹²³ UMoya uphilisa inhlanganyelo yabo noNkulunkulu, ukuze babize abafileyo babuye baphile, ngalolosuku. Babeka imizimba yabo phezu kwabafileyo; baphile. Lalelisansi. Benze izinto ezifanayo uJesu azenzayo ngoba uMoya ofanayo, owawuphezu kwaKhe, wawuphezu kwabo. Uma uMoya owodwa wenza umuntu enze kanje, wenza omunye enze kanjalo. Uma oyedwa . . .

¹²⁴ Lona ungeza kanjani phezu, athi unoMoya kaNkulunkulu, futhi aphike imisebenzi kaNkulunkulu na? Ngeke akwenza.

¹²⁵ Qaphelani. UkuPhila kukaNkulunkulu, okungukuthi esiGreki kubizwa nge Zoe, kuhamba kubo naphakathi kubo, kwaphilisa izingqondo zabo eZwini laKhe. Manje, ake ngikusho ngokuthula ngempela manje. UMoya kaNkulunkulu ohamba phakathi kwabantu, uphilisa ingqondo yomuntu

esithembisweni sikaNkulunkulu. Niyabo? Uyakwenza. Bukani. Futhi ngizama ukunikhombisa i—i... futhi nginenze niqonde ukuthi ngikhuluma manje ngeBandla, kanti futhi waphilisela ekuPhileni, kuYe.

¹²⁶ Nakuba, babeyizinxene zaKhe ezingehlukaniseki kuphela, kwase kuqaleni. Kodwa uma uNkulunkulu athi, “Nga *lolusuku*,” emuva ekuqaleni, “UJohn Doe uyoba yinceku yaMi,” izigidi zeminyaka eyedlula. Manje, uJohn Doe uzalelwa esonweni, wabunjwa ebubini, ufika ezweni ekhuluma amanga, ngoba ungoфayo. Kodwa, mhlawumbe, uthola ukuzwa ukholo oluncane. Uyohamba ayojoyina ibandla. Mhlawumbe uyojoyina ibandla lamaPentecostal. Angazi. Angahle ajoyine noma yini. Kodwa ake angene phansi kwesimo sendawo kaNkulunkulu, kanye. Niyabo? UJohn Doe ubophezelekile ukuba amqonde ukuthi Ungubani uBaba wakhe, njengoba nje lolokhozi lwaqonda ukuthi wayengubani umama. Lufanele lukuqonde. Niyabo? Kuphela, ukuthi uJohn Doe uyinxene kaNkulunkulu engahlukaniseki esibe yizwi, elikhulunyiwe, bese kuthike uMoya oNgewele ufunisia lelozwi. Nanti. Uyambiza, umupha ukuPhila okuphakade, bese umletha eBukhoneni bukaNkulunkulu, iZwi likaNkulunkulu.

¹²⁷ Bukani. UNkulunkulu wayenokufanayo ngenkathi Ebona uJesu. Kwakungu—kwakungumsebenzi osufeziwe uNkulunkulu awufeza ngoJesu, ngenkathi Ethi, “Kufeziwe.” Lonke icebo lafezwa.

¹²⁸ Futhi ngenkathi uMoya kaNkulunkulu ufika phezu kwakho, futhi wena ngeqiniso ungenye yezinxene ezingahlukaniseki zikaNkulunkulu Akhulume ngazo. Manje, uma ungesiyo, uyozulazula futhi ube sengxakini, futhi ugijimele *lapha* na *laphaya*, nakho konke okunye, futhi ungaфiki neze ekulazini iQiniso. [Akuqoshwanga eteyipini—Umhl.] Uma ungomunye walabo, izinto ezindala zedlula masinya impela, niyabo, bese uba musha, necebo lensindiso selifeziwe. Usulungele ukulalela lonke iZwi uNkulunkulu ake alikhuluma ngawe, niyabo, ukuba wena ulenze. Uthobela iZwi laKhe. Isivumelwano, impela, incwadi ewubufakazi kulesosivumelwano, incwadi eyisibopho ehambisana nomthetho yetayitela ingeyakho. Izikweletu zonke sezikhokhiwe. Sekususwe konke, futhi njengoba kwakunjalo ngoSuku lwePhentekoste.

¹²⁹ Manje ake siqaphele ukuphilisa, loMoya ophilisayo kwabanye abantu.

¹³⁰ Manje, nginitshelile ukuthi ngeke ngakhuluma isikhathi eside kakhulu, futhi nje nginemizuzu engamashumi amabili ukuba ngigcine izwi lami, uma ngenza lokho, qaphelani, ukugcina lesosikhathi engisishilo, cishe—cishe ihora.

Qaphelani manje lamandla aphilisayo. Afika kuphela . . .

¹³¹ Manje, kunenqwaba yokubhuqwa kwaWo. Kunenqwaba yabantu abacabanga ukuthi ngempela banaWo, bebe bengenawo. Inqwaba yabantu iyakwenza ngoba banokuhlabana umxhwele okuthize okungamanga kwalokho ababone amanye amaKristu ekwenza. USathane angazifanisa nanoma yikuphi kwalokho. Siyakwazi lokho. Futhi njengezithunyuwa zenkolo, ningakubona kufaniswa nokunye: ukumemeza, ukusina, ukukhulumna ngezilimi, zonke lezizinto. Ningakubona kufaniswa nomaphi. Impela impela. Phakathi kwabahedeni nabantu abaphikayo ukuthi ikhona into okuthiwa nguJesu Kristu eyiNdodana kaNkulunkulu. Niyabo? Futhi benza zonke lezozinto, ngesingabo.

¹³² Kodwa owangempela, uMoya ophilisayo weqiniso oza ekholweni, uliphilisela eZwini likaNkulunkulu, lokho kubuyela ekuDleni kokhozi futhi, kubuyela ngqo kuye lapho ephila khona. “Akusinkwa sodwa umuntu ayakuphila ngaso, kepha ngawo onke amaZwi aphuma emlonyeni kaNkulunkulu.”

¹³³ Asiqaphele manje loMoya ophilisayo lapho Ufika phezu kwabanye abantu, njengoba Wenza ngo—ngoSuku lwePhentekoste.

¹³⁴ Asiqaphele iPhentekoste, ukuthi benza kanjani, futhi sibone ukuthi ngabe baphiliswa yini yilamandla aphilisayo esikhulumna ngawo. NgoSuku lwePhentekoste, bonke babelinde phezulu lapho. Kubo uqobo, babesaba. AmaJuda, lokho nje ayezokwenza, ngakho besaba. Kodwa kwenzekani na? Ngenkathi lamandla aphilisayo ehla evela eZulwini, kwakukhona isibindi esahlala phezu kwabo. Kwakukhona okuthize, ukuqonda, lapho ababengaquinisekile kakhulu kangako ngakho emahoreni ambalwa ngaphambili. Babazi ukuthi Waye—Wayefile.

¹³⁵ Babazi ukuthi Wayevukile. Babekhulume naYe endleleni. “Kodwa ngabe leyonto kwakungeyabo, noma nje yayingeyaleyonkathi, kaJesu uqobo lwaKhe na?”

¹³⁶ Kodwa lapha ngoSuku lwePhentekoste, uMoya oNgcwele, incwadi ewubufakazi yehlela phezu kwamakholwa. Eyawenza aba yinxenyenye yokuvuka kwaKhe, yalenza laba yinxenyenye yenhlanguyelo yaKhe. UMoya oNgcwele wafika futhi waqinisa kuwo ukuthi ayezovuswa, ngoba ayeseqalile ukuvuswa ngaleyonkathi, esuka ekubeni amagwala eya ekubeni ngamadoda anesibindi.

¹³⁷ Aye—ayesaba lona impela iZwi ayecabange ngalo. Ningakuvumeli lokhu kwedlule phezu kwenu. Ayesaba. Ayazi ukuthi WayeyileloZwi.

¹³⁸ Ngisho namaJuda akuvuma. UNikodemwath, “Rabi, siyazi ukuthi Ungumfundisi ovela kuNkulunkulu. Akakho obengenza izinto ozenzayo uma uNkulunkulu engenaYe. Manje, siyakwazi lokho. Siyakuqonda lokho.”

¹³⁹ Ngakho abafundi...UPetru waze wafunga ngisho naseBukhoneni baKhe. Bonke base beMshiyile ekubethelweni.

¹⁴⁰ Kodwa nakhu laphobekhona manje phezulu kulelikamelo elingaphezulu, eBukhoneni bukaNkulunkulu. Kwase kuthike, khonamanjalo, nakhu kufika loMoya oNgewe wehla uvela eZulwini, futhi Wabaphilisa. Nokuphilisa kwenzeka, babengesabi ukwenza ubufakazi boMlayezo ababewukholwa futhi bewazi ukuthi uyiQiniso. Kungenjalo, babeWesaba.

¹⁴¹ Mangaki amaPresbyterian, mangaki amaMethodisti, mangaki amaBaptisti, ezweni namhlanje, mangaki amaPentecostal, elazi iQiniso futhi besabe ukwenza isinqumo kuLo na? Ngiqinisekile ukumangala, yini le eyehlela kini na? Ngabe niyinxenyenoke yokuvuka kwaKhe na? Beningaba nesibindi sokusuka nimpompolozole ukucabangela nje okuthize komuntu nombono na? Noma, ninaso isibindi sangempela nobu—budoda bangempela obukuthathayo, ukuma qekelele futhi nibize okuyikho ngokuthi “kuyikho,” nokungesikho ukuthi “akusikho”? Ngabe uyinxenyenoke yokuvuka kwaKhe, noma ngabe ungumkhonzi wesixheke sezivumokholo na? Ngabe ungumhambi oya esontweni, unalo igama lakho lapho, futhi ufile esonweni naseziphambukweni na?

Ongakholwa yiZwi likaNkulunkulu eligcwele uyisoni.

¹⁴² LabobaFarisi babekholelwa ezintweni eziningi, ukuthi ziyiQiniso. Bathi, “Singabantwana bakaNkulunkulu.” Futhi babeyibo, kwaze kwashunyayelwa leloZwi. Kodwa ngenkathi sekushunyayelwa leloZwi futhi laqinisekiswa, khona-ke baba yizoni, ngokwenqaba iQiniso ababazi ukuthi laliqinisile, futhi bakubona ngamehlo lokho. “Siyazi ukuthi Ungumfundisi ovela kuNkulunkulu, ngokuba akakho obengenza lezizinto Ozenzayo uNkulunkulu engenaWe.”

¹⁴³ Ngiyamangala namhlanje, sikuphi na? Ngiyanibuza. Kusithola sikuphi lokhu ukuvuka na? Ngabe unesibindi sokuphuma na? Ngabe unesibindi sokuthatha uNkulunkulu eZwini laKhe na? Uma umiselwe ukuPhila, uzokwenza impela. Uma uwukhozi, awukwazi ukuhlala ungakwenzi, kukhona Into ethize kuwe. Noma, ufunu nje ukukhonza isivumokholo ndawondawo, uthi, “Ngiyasonta. Ngifana nawe nje?” Niyabo? Uma ungaphethe buzibulo, awusoze wakubona, ungeke wakubona. Kodwa uma uphethe ifa lalobuzibulo, awukwazi ukuhlala ungakuboni, ngoba kuyinxenyenoke yakho nawe uyinxenyenoke yakho.

¹⁴⁴ Beningamphika kanjani umama owangizalayo na? Beningamphika kanjani ubaba, ukuthi igazi lakhe uqobo likimi na? Beningamphika kanjani uCharles Branham ukuthi ungubaba wami na? Beningeke ngakwenza. Ngiyavuma ukumela ihlazo lakhe kumbe noma yini enye, ngoba ngiyindodana yakhe. Haleluya!

¹⁴⁵ Manje-ke ngokuba yindodana kaNkulunkulu, futhi WayeyiZwi likaNkulunkulu, ngingaliphika kanjani leloBhayibheli ukuthi liyiQiniso, ukuthi uJesu Kristu akasuye izolo, namuhla, naphakade na? Futhi ngibona ihora esiphila kulo, sidinga iPhasika ebandleni. Ukuvuka! Sidinga ukuvuka, ukunika amandla ukukholwa, abesilisa nabesifazane ukuba bamele qekelele lokho okuyiZwi likaNkulunkulu eliqinisekisiwe.

¹⁴⁶ Uthi, "Awu, thina siNentsha kaKristu." Lokho kulungile. "Ibandla lethu linomhlangano. Sifuna amalunga *angaka*." Akukho okuphikisana nalokho. Lokho kulungile. Kodwa lokho kuyisimo sendawo kuphela. Lokho kungahle kube yizimpaphe zesikhukhukazi esidala. Kodwa uma nizongena esimweni sendawo esifanele lapho, siyochamsela ukhozi uma uyiqanda lokhozi. Futhi uma wawaziwa phakade nguNkulunkulu ukuba ukubone, awukwazi ukuhlala ungakuboni, uyaphuma ekuvukeni. Yileyondela iBaptisti eyazalwa ngayo, yileyondlela iMethodisti eyazalwa ngayo, ekuvukeni kwangalolosuku, kodwa bachezukela esikhukhukazini esikhundleni sokhozi.

¹⁴⁷ Futhi ngishilo esikhathini esingeside esedlule, ngehla ngivela eTucson. Ngabhekisisa into exake ngempela. Ngabona uklebe uhlezi ocingweni ezansi lapho. Lowoklebe kade walahlekewa ubuwona. Wawuvamise ukuba yinyoni eseduze kokhozi. Wawungeke ululandele ukhozi; qhabo, lutho. Akukho okungalandela ukhozi. Kodwa wawuwuklebe.

¹⁴⁸ UKristu uwuKhozi, nebandla belifanele okungenani libe uklebe. Bangandizela phezulu bedlule noma yiziphi zazo zonke ezinye izinyoni. Kodwa lowoklebe usuphenduke wathamba. Ulahlekewa ubuwona. Uhlala phezu kwezingcingo zikatelefoni bese ulindela unogwaja othize ofile. Ugcogcoma njengenqe, esikhundleni sokundiza njengoklebe.

¹⁴⁹ O, mfowethu, dadewethu, nina bantu bePentecostal, okungabantu bami uqobo abathandekayo! Ibandla lilahlekewa ubulona. Liyehla futhi lencike kwesinye isivumokholo esifile sokugcina umthetho ngamehlo nje, esikhundleni sokundizela kokwasemaZulwini, ngaleya, lifune imana esentsha.

¹⁵⁰ Uklebe wawuvamise ukuzizingelela imana yawo, kodwa namhlanje uthatha okufihlizwe yizimoto nalokho okudliwa amanqe. Ugcogcoma njengalo. Ubukeka njengalo.

¹⁵¹ Sizihlobisa thina kakhulu ezweni lesimanje, abesifazane bakithi bagunda izinwele zabo, futhi begqoka izikhindi, abesilisa bakithi bengenalo ithambo lomgogodla elemele ukuba bame epulpiti futhi bakhulume iquiniso. Kade sathamba eZwini.

¹⁵² O Nkulunkulu, thumela uMoya oNgewe bese ufunisia lezozinkozi ndawondawo, olulungele ukuma ngaleya, kungenandaba ukuthi kwenzekani, oluzojubalala luyongena kokungaziwa, hhayi ukuba luhlale phezu kwezingcingo

zikatelefone futhi lubheke incwadi yokufunda kaSonto sikole ethize ukuba ingene. Mangibe neZwi, nasebusheni bamandla okubonakalisa kukaMoya oNgcwele. Sidinga iPhasika, ukuvuka osekuyiziqalo. Mgane wami, uma wenelisiwe yisibhucu esinjalo sezwe, kukhona okungalungile.

¹⁵³ Dadewethu, mfowethu, ake ngisho kini, lokhu, ngokumesaba uNkulunkulu, ngazi ukuthi ngingahle ngingabe ngisaphila ukuba ngibone iPhasika futhi. Kodwa yinye into eqinisekileyo, uma indodana eyaziwa phakade yangokoqobo kaNkulunkulu, ngeZwi likaNkulunkulu, izwa leloPhimbo likaNkulunkulu, iyovuka futhi ihambe iyoLihlangabeza. Liyiziqalo, ukuthi izohlangabezana neZwi eliphilayo langempela. Njengoba Wayeyilo, uMlobokazi uyohlangabezana noMyeni. Uyinxenye yoMzimba waKhe.

¹⁵⁴ Qaphelani, kade thina, silahlekela wubuthina. Siza ngoLwesithathu ebusuku, abanye bethu. Abanye bahlala ekhaya ukuba babuke u *Ubani Othanda uSusie*, amatelevishini, zonke izinhlobo zezinto zezwe, zonke izinhlobo zemibungazo, ukuniqhelanisa nebandla. Kade sakulahla.

¹⁵⁵ Amakholiji ethu, izikole zethu, zikhrapha isigejane sezintekenteke zinenqwaba enkuwu yesayense yezenkolo, nonombungazo nayo yonke into ebandleni, ukuba kuthathe indawo yomhlangano womkhuleko. Sithathe ingubo futhi sazama ukugcwalisu lokho owesimodeni azama ukukwenza, sibangenise. Anisoze nabazuza ngalokho. Banokuningi kwalokho kunalokho eninakho. Anihlangene ngalutho emhlabathini wenu...emhlabathini wabo. Mabeze kowenu, lapho umbhaphathizo wangempela ukhanya khona, lapho amandla angempela okuvuka ekhona. Ningazami ukwakha isonto elinjengelabo. Ningazami ukuba nomelusi onjalo. Ningazami ukwenza *lokhu* okunye, noma nibambisane nezwe. Bacwebezela neHollywood.

¹⁵⁶ IVangeli langempela likhazimula ngamandla. Izinkozi ziyakuzwa lokho. Azibheki ukucwebezela. Zibheka ukukhazimula. Zikhazimula ngentobeko, zikhazimula ngothando, zikhazimula ngamandla, lusingela lokho-ke ukhozi lwangempela. Ungeke waqhswana esibuyeni bese uyaluthokozisa. Soze Iwakwazi ukukwenza. Awusoze walutshela khona, ngoba alukukholwa.

¹⁵⁷ Dedela leloPhimbo limemeze kakhulu elivela eZulwini, "NginguYe owayefile, futhi sengiyaphila futhi." Kukhona okwenzekayo. "Nginguye izolo, namuhla, naphakade. Futhi kuyakuthi ngezinsuku zokugcina, Ngiyakuzithulula Mina uqobo phezu kwayo yonke inyama." Udumo kuNkulunkulu! "Ngiyakuphilisa ulwimi lwenu olufayo. Ngiyakuphilisa izilimi zenu ezifayo. Ngiyakuninika ubufakazi obubonakalayo ukuthi Ngizoniletha ekuvukeni kanye naMi." Izinkozi ezinhliziyo-

zilambile ziya kulokho ngawo onke nje amandla azo. YiParele elinenani elikhulu, ukuthi zithengisa ngakho konke okunye, ukuba zihambe ziyothenge. Amen.

¹⁵⁸ Nkulunkulu sisize, mngane. Amabandla ethu alahlekelwa ubuwona.

Asisheshise manje ukuba siye kokunye.

¹⁵⁹ Bhekisisani umnyakazo walabobafundi, owethukile. Babazi ukuthi uJesu wayeyiQiniso, kodwa, niyabo, Lalimelene nomqondo othandwa ngabantu, inkolo ethandwa ngabantu yehora, inkolo eyayinesandla esiqinile kunazo zonke, iSar-... abaFarisi, abaSadusi, kanjalonjalo, izinkoloze zabo, izizwe zasigodi-sinye, namahlelo. Babe—babemelene naLelo, “Ukweduwa.” Kodwa uJesu wayeyiZwi elikhonjiwe.

¹⁶⁰ NoJesu unguMoya oNgcwele, kuMoya. “Kuseyisikhashana nezwe lingabe lisaNgibona. NiyakuNgibona nina,” hhayi umzimba, ukuPhila okwakukuYe. UNkulunkulu uphezu kweBandla, ukubiza amadodana njengoba Enza ngaleyonkathi, ukulalela.

¹⁶¹ “Ngenza njalo lokho okuthokozisayo kuBaba waMi. Yimuphi kini ongaNgilahla ngeSono na?” Ngamany’amazwi, *isono* nguku “ngakholwa.” “Litheni iZwi ngaMi, eNgingakwenzanga na?” Nakho. “Ngikhombiseni okwashiwu yiZwi ukuthi Ngiyokwenza, eNgingakwenzanga. Yimuphi oNgangimangalela na? Yimuphi ongabeka iminwe yakho kiMi, futhi uthi aNgilicwalisanga iZwi likaBaba waMi na?” O, uma ibandla lePentecostal lifika kuleyondawana! “Ubani ongaNgimangalela ngokungakholwa na?”

¹⁶² O, maKristu, musa ukukhonjwa njengoklebe, kodwa ukhozi. Lowoklebe uthambile, uyokwehla. Awulubomi neze ukhozi lwenza lokho. Alusoze lwakwenza lokho. Luzizingelela ukudla kwalo, lu le esibhakabhakeni. UNkulunkulu walulungisa ukuze lukwazi ukukubona. Luthola imana esentsha, hhayi into ethize efile.

¹⁶³ KumaHeberu, ngenkathi edabula enqamula ehlane, ayadla, azama ukudla imana efile. Yase ikhuntile. Yase ino—yase inonoshobishobi kuyo. Niyazi ukuthi sisho ukuthini. Seyonakele, isibolile. Izimpethu isikuyo.

¹⁶⁴ Ngingakudlelani ukudla osekuyiminyaka eyedlule kwafa na? Kungahle kube sekubumbekeni nasesimweni, kodwa akusekusha. Sifanele sithole ukudla zonke izizukulwane, okusha. Kanjalo ukhozi lubheka lokho kudla, zonke izizukulwane, njengoba sisohambweni lwethu. Qaphelani.

¹⁶⁵ Manje ake sithathe abanye abantu futhi. Ake sithathe abanye babaprofethi beTestamente eLidala, sibone ukuthi benzani.

¹⁶⁶ Asibuke kuqala uStefanu, ukuthi uStefanu wenzenjani phakathi kwalowoMkhandlu weSanhedrin. Ngenkathi

lowomkhandlu umenyusela lapho, lowombuthano omkhulu wamakholwa lapho, noma okwakufanele ngabe amakholwa, bamenyusa futhi bazama ukumlalha ngecalalha. “Ngani,” wathi, “nina bontamo-zilukhuni, eningasokile enhliziyweni nasezindlebeni, nimelana njalo noMoya oNgcwele.” Lokho yilokho kuPhila okuPhakade. “Njengoba kwenza oyihlo emuva ngaleya ngabaprofethi, nani niyakwenza namhlanje.” Futhi bamgugudela amazinyo. Babengafuni ukuzwa lokho. Wayemelene nesivumokholo sabo. Wayemelene nehlelo labo. Futhi bamkhanda ngamatshe umuntu waze wafa. Futhi waphakamisa izandla zakhe, wabheka ngaseZulwini, uthi, “Ngibona amazulu evulekile, noJesu emi ngakwesokunene.” Ngani na? Wayenokuvuka, amandla aphilisayo kuye, amthatha amyisa ezifubeni zikaJesu.

¹⁶⁷ Qaphelani, masinya manje. Bukani uFiliphu, ezansi lapho emvuselelweni enkulu. Enemvuselelweni lapho ayekade enganendaba nanoma yumuphi umuntu, ngani, ukuba wayekade enobambiswano olukhulu phakathi kwamabandla nakho konke ezansi lapho. Wayenemvuselelweni enkulu. Namandla aphilisayo kaNkulunkulu akhulumu kuye, athi, “Stefanu...” Ngahle ukuba Asho lokhu, “Unemvuselelweni enkulu, kodwa nginomuntu oyedwa engifuna ukhulume naye.”

¹⁶⁸ Futhi uStefanu uyalalela, akunandaba ukuthi yini, ukuthi kungakanani ukugxekwa. “O, okukaStefanu, ungeke ushiye.”

“Kodwa, ngingashiya. UNkulunkulu usho njalo.”

¹⁶⁹ Wayesephumela ogwadule, futhi phandle lapho wafumana lomthenwa. Futhi kwenzekani na? Wathi, “Ngabe... Uma ukholwa ngenhlizyo yakho yonke, ukuthi uJesu uyiNdodana kaNkulunkulu, ngizokubhaphathiza.” Ngenkathi embaphathiza... .

¹⁷⁰ Bukani. Waphiliswa yilamandla aphilisayo, ukuba ashiye imvuselelweni yezinkulungwane zabantu, ukuba aphumele ogwadule, kumuntu oyedwa. O, lokho bekungaphikisana nayo yonke imizindlo. Niyabo? “Ngani, kunezinkulungwane eziyishumi ezikufunayo lapha.” Kodwa kukhona oyedwa ofunayo, phandle lapho. Niyabo? Namandla aphilisayo amthumela endaweni ehlinzekwe nguNkulunkulu. Haleluya!

¹⁷¹ Besilisa nabesifazane, Azonenza nime ngezinyawo zenu. Azonenza nenze izinto uNkulunkulu afuna nizenze. Angikhathali ukuthi omunye umuntu uthini ngakho. Umakhelwane uthi, “O, lowomuntu ulahlekelwe yingqondo yabo. Bakhuleka ubusuku bonke; bafunda iBhayibheli.” Angikhathali ukuthi bathini. Kuyilokho uNkulunkulu akubizele ukuba ukwenze. Kunjalo. “O, bathi ngeke saba nalezi eziyifeshini endala, izimvuselelweni zePhentekoste.” O, yebo, singaba nazo, futhi. Ungaba nayo kuwe uqobo. Futhi wena

uyiningi, kuNkulunkulu, akunandaba ukuthi bonke abanye bacabangani.

¹⁷² Qaphelani, kamuva, ekulaleleni. Lalelisansi manje. Emva kokulalela uNkulunkulu, eZwini laKhe, ngenkathi egcwalisa umsebenzi wakhe ayewuthunyiwe, lawomandla aphilisayo awemukela ePhentekoste amhlwitha, aphilisa umzimba wakhe. Amamayela ngamamayela kude, wathathwa eMoyeni, futhi watholakala ngale kwelinye izwe ndawondawo. Amandla aphilisayo kaNkulunkulu! Futhi uma singamaphentekoste, “Lawomandla afanayo avusa uJesu kwabafileyo, uma Ehlala emizimbeni yenu efayo.” Niyabo? Kulungile. Qaphelani.

¹⁷³ Asithathe omunye umuntu nalamannda aphilisayo. Kwakukhona umuntu kudala le, ogama linguEnoke. Uma kufika into entsha, uma kufika into ethize ithi, “Awu, manje sifanele sibuyeles esikoleni esidala, noma *lokhu, lokho*, noma *okunye*,” UEnoke wahamba noNkulunkulu. Noma yini uNkulunkulu ayethi akayenze, uEnoke akazange ageje nelilodwa izwi. Wahamba noNkulunkulu. Wayeyini na? Wayeyindodana kaNkulunkulu. Wayewukhozi olwalukade lubizelwe kululosuku.

¹⁷⁴ Futhi lapho kufika isikhathi, wayegcwele kakhulu lawomandla aphilisayo! Khumbulani, wayehambe iminyaka engamakhulu amahlanu, noma ngaphezulu, phambi kukaNkulunkulu, futhi akazange nakanye ageje iZwi laKhe. Akazange nakanye ake aziphatho kabi. Akazange nakanye enze noma yini kodwa wagcina ubufakazi. Yonke into uNkulunkulu amtshela ukuba ayenze, wahamba futhi uyenzile. Akukhompikiswano ngakho, wavele nje wahamba futhi ukwenzile. Akunandaba ukuthi noma ubani omunye wayecabangani, wahamba futhi ukwenzile. Ngani na? Wayegcwele lawomandla aphilisayo. Futhi lapho sekufika isikhathi sokuba indoda endala ife, uNkulunkulu wathumela ilada walehlisa wayesenyukela eKhaya. Wamphilisa, futhi wathatha umzimba wakhe ofayo wawen Yusela ohlwithweni. Amen. Lawo yilawomandla aphilisayo.

¹⁷⁵ Bukani uElija, emva kokuba umsebenzi wakhe wase ufeziwe emhlabeni. Wayegcwele kakhulu lawomandla aphilisayo, wakusola lokho kugundwa kwezinwele kukaJackie Kennedy ngosuku lwakhe. Wayekhulumile ngoJezibile omdala ukuthi wayecabangani ngaye. Wabatshela labobashumayeli nabapristi ukuthi yikuphi okwakulungile nokuthi yikuphi okwakungalungile, futhi abamkholwanga. Kodwa wabasola labo besifazane abapende ubuso nezinto, kabi kabi. Futhi yena egcwele kakhulu lawomandla aphilisayo kwaze kwathi akwangabibikho okwakungamlimaza. UNkulunkulu wayemondlile ngokuvela emazulwini, wamkhipha wayesemhhalisa eceleni. Wayegcwele kakhulu amandla aphilisayo, kufika isikhathi sokuba afe, iJordani

lavuleka, futhi wavele nje wahamba, wathumela phansi inqola yamahhashi wayesemkhuphulela eKhaya, egcwele kakhulu lawomandla aphilisayo. Uba ngeyeqiniso, indodana kaNkulunkulu yangokoqobo. Ya.

¹⁷⁶ Qaphelani, wayenowalandela esikhundleni sakhe, negama lakhe wayenguElisha. NoElisha wayenokuphindwe kabilo, lamandla aphilisayo. Niyabo? Wayenokuphindwe kabilo kwawo. Manje, washumayela cishe iminyaka engamashumi ayisishiyagalombili, noma cishe wayeneminyaka engamashumi ayisishiyagalombili ubudala. Wagula wayesefa. Manje. Akatholanga ukuthi aye eKhaya njengoba kwenza uElijah. Niyabo? Bobabili bamelwe lapho eBandleni; abanye abangcwеле bayahamba, nabanye baphumule. Kodwa qaphelani ngenkathi uElijah ekhushulelwа ohlwithweni; khona-ke uElisha wahamba wayolala, kuNkulunkulu, egcwele amandla aphilisayo. Bukani isiprofetho sakhe ngaphambhi nje kokuba afe. Niyabo?

¹⁷⁷ Manje, ake nginikhombise. Angikhathali noma ufile, noma ukuphi, lawomandla aphilisayo awasuki neze. Iminyaka ngeminyaka emva kokufa kwakhe, inyama yakhe yase yabola, izibungu zesikhumba zase zisidlile. Kodwa babethele umuntu ofile, ngoluny'usuku, bamphosa phezu kwalawomathambo, futhi kwakukhona amandla aphilisayo amanangi kakhulu lapho umuntu waze wavuka futhi. Haleluya! Amvusa kwabafleyo, ngoba lawomandla aphilisayo ayephezu kwalowo ongcwele kaNkulunkulu, awazange asuke kuye, ahlala kulawomathambo ngqo.

¹⁷⁸ O, khumbulani, siyinyama yenyama yaKhe, ithambo lamathambo aKhe, uma singuMlobokazi waKhe. Ukufa ngeke kuwakhathaze lawomandla aphilisayo nhlobo. "Noma izibuku zesikhumba zibhubhisa lomzimba, nokho enyameni yami ngiyakumbona uNkulunkulu." Udumo kuNkulunkulu! I... Angazi ukuthi ngithini. Ithemba elinje pho lendoda esindala njengami, ngazi ukuthi ngibona isikhathi sami sokuphela khona ngaleya masinya, njengeminyaka engamashumi amahlanunesithupha ubudala.

¹⁷⁹ Kusukela ngisengumfana omncanyana, ngime lapha. Ngizama ukumemezela Lokhu. Kodwa ngiyazi, Lokho kimi, akukho okuhle enginakho, akukho engikwenzile. Kodwa kimi yilawomandla aphilisayo angiphilisa ngoluny'usuku ngisuka ezintweni zezwe, njengensizwa, ngaya ekuPhileni okuPhakade. O, izinto eyenzekile! Ngibone imibono, ngasho izinto zingakenzeki. Akadedeli neze into ukuba yehluleke namanje. Ngikhulume ngezinye izilimi. Ngiprofethile. Ngenze lezozinto ngoMoya kaNkulunkulu ohlale kimi. Lawo amandla aphilisayo. Ngiyazi ukuthi suku lumbe...

¹⁸⁰ UMhlensi wami uyaphila manje. Futhi suku lumbe nxas Esefika, lamathambo ayovuka futhi, ukuba ayoMhangabeza

emoyeni. Ungangingcwaba olwandle, uwushise, noma yikuphi la ufunu khona. Lawomandla aphilisayo aPhakade. Whwewu! Ngizwa iPhasika khona manje. Yebo, mnumzane. Ngibe nalo iminyaka. Likimi.

¹⁸¹ Likini. Uma, nina, uMoya owavusa uJesu kwabafileyo ehlala emizimbeni yenu efayo, Uniphilisile ezintweni zezwe, naya eZwini likaNkulunkulu kuhphela. Uniphilisile kulokhu ukuphila naya ekuPhileni okuPhakade. Nina enanifile esonweni naseziphambukweni manje uniphilise ndawonye, ukuba nihlale ezindaweni zaseZulwini noKristu Jesu, nizonndla ngeMana evela Phezulu, nibona isandla sikaNkulunkulu sibonakaliswa, sifakazelza isithembiso salolusuku.

¹⁸² “Njengokuba kwenzeka emihleni kaNowa, kuyakuba njalo ekufikeni kweNdodana yomuntu. Babedla, bephuza, beganwa, bendiswa. Futhi njengoba kwenzeka emihleni kaLoti, kuyakuba njalo ngamahora iNdodana yomuntu eyokwambulwa ngawo emhlabeni,” hhayi iNdodana kaNkulunkulu, akusesikho. “INDodana yomuntu,” ibuya njengoMlayezo wobuprofethi wosuku lokugcina lapho lolokhozi luyobe lundiza; hhayi ingonyama; hhayi inkabi onyakeni womhlatshele. Niyabo?

¹⁸³ Ngaso sonke isikhathi, amandla ezenkolo ayephuma ukuhlangabezana nenselelo yamandla ezombusazwe ezwe. Lapho kuvuka ingonyama, amandla ezenkolo, yahamba ukuyohlangabezana namandla eRoma.

¹⁸⁴ Futhi lapho kufika ihora lomhlatshele, kwahamba inkabi, ngoba iyiSilwane somhlatshele weNkosi.

¹⁸⁵ Bese kufika abaguquli, phansi kusukela eminyakeni, kufika ubuso bomuntu. Nabaguquli babe kade bekhona kusukela kuLuther, uWesley, o, uCalvin, kwehle njalo, kwehle, unyaka wephentekoste.

¹⁸⁶ Kodwa eMlayezweni wokugcina owaphumayo, nakho kwafika ukhozi olundizayo. Yisikhathi sokhozi, isikhathi sokwambula, iZwi likaNkulunkulu libonakaliswa, iZwi likaNkulunkulu lafakazisa. O, bantwana, hambani kulombhaphathizo kaMoya oNgcwele. Ngenani futhi niWukholwe, ngayo yonke inhliziyo yenu, uNkulunkulu uzonigewalisa.

¹⁸⁷ Bukani lapha manje. Siyathola manje, khumbulani, “Siyinyama yenyama yaKhe, nethambo lamathambo aKhe.” Njengoba uNkulunkulu avusa amathambo aKhe nenyama ethuneni, bangeke bamfihla umuntu osenazo iziqalo. Ukuwa kungeke kwamthatha. UJesu wathi, “Konke uBaba aNgiphe khona kuyokuza kiMi. Ngiyakubavusa ngomuhla wokugcina.” O, he! iPhasika! Ngani, sisePhasikeni ngqo. Ngenkathi Evuka, savuka naYe. Wathumela incwadi ewubufakazi wayibuyisa. Siyiphethe, njengombhaphathizo kaMoya oNgcwele. “Uyaphila

kuze kube-phakade; nguyena izolo, namuhla, naphakade.” AmaHeberu 13:8 ayakufakazela lokho. Unguye.

¹⁸⁸ Ubumesiya baKhe, abagcotshiweyo bayakukholwa lokho. Yini umesiya na? Yini umesiya na? UMesiya ngo “Gcotshiweyo.” Futhi manje uma WayenguMesiya, ngokuba Ngogcotshiweyo walolosuku, ukugewalisa iZwi likaNkulunkulu, ukuba abe nguMhlengi noGcotshiweyo, noNkulunkulu wavusa lowomzimba; uMlobokazi waKhe ungogcotshiweyo walolusuku. Usuvele uvusiwe kanye naYe ekuvukeni, ngoba, “Laba ababili bamunye.” Amen.

¹⁸⁹ Ngi—ngifisa sengathi bengingakusho ngendlela engikubona ngayo. Ngifisa sengathi ngabe nganginemfundu ebengingakwenza ngayo. Niyabo? Nge—ngethemba ukuthi niyakubona. Ngiyethemba, uNkulunkulu, uMoya oNgewe wehlela lapho futhi ufake lokho enhliziyweni yenu, ukubona ukuthi ngisho ukuthini.

¹⁹⁰ Ukuvuka, manje sesisekuvukeni. Sihlezi naYe ekuvukeni, kodwa labo kuphela abanokuPhila.

¹⁹¹ Hhayi labo abangenakho ukuPhila. Bangeke baKwazi. Abasoze baKwazi. Bayoqhubeka ngqo becabanga ukuthi bathola uMoya oNgewe, ngokusindiswa, noHlwitlo luyobe selwedlule futhi seluhambile. Wathi, “UEliyase sewafika vele, futhi benza ngaleyondlela, futhi anikwazanga.” Niyabo?

¹⁹² Qaphelani. Ukuva akuwamisi amandla kaNkulunkulu aphilisayo. Qaphelani. Ukuva ngeke kwawamisa.

¹⁹³ Wena uthi, “Awu, umama wami wayengowesifazane ogcwaliswe ngoMoya. Ubaba wami, angikaze ngimbone umuntu egcwele kangaka amandla njengobaba wami. Kodwa wafa, Mfowethu Branham.” Impela. Lokho akuwamisanga amandla aphilisayo.

¹⁹⁴ UMose wayenalawomandla aphilisayo. Niyakukholwa lokho na? [Ibandla lithi, “Amen.”—Umhl.] Wayengakaze abekhona umuntu onjengaye emhlabeni, kwaze kwaba nguJesu. Ngokuba akabonanga imibono kuphela, wakhulumu ubuso-nobuso noNkulunkulu.

¹⁹⁵ Ngisho nomprofethikazi, uMiriyamu, waphikisa izwi lakhe ngoluny’usuku. Wathi, “Awumesabi uNkulunkulu na? Bheka inceku yami, uMose. Akukho-muntu ezweni onjengaye, lelihora. Akaze abekhona noma yimuphi umuntu onjengoMose. Ngikhulumu kuMose. Wake wathini, eyayingesilo iqiniso na? Niyabo? Ngikhulumu kuMose. Awumesabi uNkulunkulu na? Ungasho-zwi elimelene naye.” Futhi ngayo leyonkathi washaywa ngochoko futhi—futhi wayefa. Akaphilanga isikhathi eside kakhulu, kamuva. UMose wamkhulekela.

¹⁹⁶ NoMose wakhwela entaben, eminyakeni eyikhulu namashumi amabili yenkonzo, noma iminyaka engamashumi

ayisishiyagalombili yenkonzo; iminyaka eyikhulu namashumi amabili yokuphila, wakhwela entaben iwayesefa, futhi wembelwa esigodini. Kodwa lawomandla aphilisayo ayephezu kwakhe. Cishe eminyakeni engamakhulu ayisishiyagalombili kamuva, nangu, emi eNtabeni yokuPhenduka esinye isimo. Amen. Wayeyini na? Wayebaliwe kulokho kuvuka. Impela, wayebaliwe. Wayenamandla aphilisayo kaNkulunkulu. Nangu wayekhona, emi.

¹⁹⁷ Bukani uJobe, uAbrahama, uIsaka, abangcwele ngosuku lokuvuka, lokho kusa okukhulu uJobe nabo bonke abanye ababazi ukuthi kuyofika. Ngenkathi, wathi, “Ngiyazi uMhlensi wami ukhona,” amakhulu ngamakhulu eminyaka ngaphambi kukaKristu. Kungukuthi, eqinisweni, iNcwadi kaJobe yabhalwa ngaphambi kukaGenesisi, basho njalo, iNcwadi endala kunazo zonke eBhayibhelini.

¹⁹⁸ Futhi ezivivinyweni zakhe, futhi njengoba sedlula kuzo manje. Nomkakhe, ngisho, into esondele kakhulu kuye emhlabeni, wathi, “Ungemthuke yini uNkulunkulu bese ufa ukufa na?”

¹⁹⁹ Wathi, “Ukhulumu njengowesifazane oyisiwula. INkosi iyapha, iNkosi ithathile, alibongwe iGama leNkosi.”

²⁰⁰ Kwase kuthi-ke ngenkathi uMoya kaNkulunkulu ufika phezu kwakhe, futhi uqala ukuprofetha, wathi, “Ngiyazi uMhlensi wami ukhona, futhi ngezinsuku zokugcina Uyoma phezu kwalomhlaba. Noma izibungu zesikhumba zibhubhisa lomzimba, nokho enyameni ngiyakumbona uNkulunkulu.” Futhi wenza indawo yokuzimbela yena. Wathi, “Sizoyithenga lendawo.” Wathenga lapho wase eyazimbela.

²⁰¹ Kamuva, kufika umuntu othiwa nguAbrahama. Ibandla likhula, lenyuka. UAbrahama, awu, manje, wayesenazo iziqalo zikaNkulunkulu, naye, ukuPhila okuphakade, okuPhakade, ngoba uNkulunkulu wambiza. Manje qaphelani. Ngenkathi efa, noma uSara efa, wathenga isiqephu sendawo ePalastine, eduze kwethuna likaJobe, wase embela uSara. UAbrahama wafa naye futhi wembelwa noSara. UAbrahama wazala—wazala uIsaka.

²⁰² NoIsaka, ngenkathi efa, walala noAbrahama, esiqintini esifanayo sendawo. Manje, ngenkathi, uIsaka wazala uJakobe.

²⁰³ UJakobe wafa, ezansi le eGibhithe. Kodwa lokhu engumprofethi, manje, ngalesi isiqalo, lamandla aphilisayo, wathi, “Ungangimbeli ezansi lapha, Josefa. Woza lapha, ndodana yami engumprofethi. Beka isandla sakho phezu kwalenqulu uNkulunkulu ayikhubazayo. Funga uNkulunkulu waseZulwini awuzukungimbela ezansi lapha.” Kwakukhonani kulowomuntu na? Yayingeyinhle ngani nje iGibhithe njenganoma yiypshi indawo na? Wayengumprofethi. Uyazi ukuthi lokho kuvuka kwakuzoba kuphi. Kwakungezukuba seGibhithe; kwakuzoba sePalastine. Wathi, “Beka izandla zakho

phezu kwenqulu yami ekhubazekile, bese ufunga uNkulunkulu engimkhonzile. Uyindodana yami engumprofethi, ukuthi, awuzukuwambela amathambo ami ezansi lapha. Ngenyusele ngaleya bese uyangimbela.”

²⁰⁴ UJosefa, engumprofethi, futhi, wabeka izandla zakhe phezu kukababa okhubazekile. Wathi, “Ngifunga uNkulunkulu ka-Abrahama, uIsaka, kaJakobe, angiyikukumbela lapha.” Bamthatha bambela kulelozwe. Ngani na? Ngani na?

²⁰⁵ Ngenkathi uJosefa efa, wathi, “Ningangimbeli ezansi lapha. Ningangimbeli ezansi lapha.” Ngani na? UNkulunkulu unguNkulunkulu ndawo zonke, kodwa Unecebo. UJosefa wayengumprofethi. Wathi, “Ngoluny’usuku,” lalelani, amazwi akhe, “iNkosi uNkulunkulu uyo re-vis... uyonihambela, futhi uyonikhiphia kulelizwe. Futhi uma senihamba, nithathe amathambo ami.”

²⁰⁶ Lawomandla aphilisayo ayekulawomathambo. O! “Uma uMoya waLowu owavusa uKristu kwabafileyo, ehlala kini, Uyakuvusa nemizimba yenu efayo.”

²⁰⁷ “Ningabeki amathambo ami ezansi lapha. Ambeleni enhla lapho nalabo besithembiso.”

²⁰⁸ Ngenkathi kufika uJesu, lapha, ngnomBhalo lapha, uMathewu 27:51. Ngenkathi uJesu evuka kwabafileyo, uJobe wakubona lokho kufika, wathi, “Ngiyazi uMhlengi wami ukhona. Izinsuku zokugcina, Uyoma phezu kwalomhlaba. Noma izibungu zesikhumba sezibhubhise lomzimba, nokho enyameni yami ngiyakumbona uNkulunkulu. NgiMbonile.” Babazi. Lowo kwakungumprofethi. UAbrahama wayengumprofethi. UIsaka wayengumprofethi. UJakobe wayengumprofethi. UJosefa wayengumprofethi. Futhi babenesambulo sikaNkulunkulu, ngokweZwi laKhe. NgaleloPhasika ekuseni, ngenkathi Lowo efika futhi wahlenga bonke labo ababekholiwe kuYe, bavuka, nabo, ngokweBhayibheli.

²⁰⁹ Lawomandla aphilisayo afike angena ethuneni likaJobe, lapho okwakungekho ngisho uthuli olungagcwala isipuni lwamathambo akhe asasele. Emva kwawo onke lawomakhulu, ngamakhulu, ngamakhulu eminyaka, amathambo akhe ayesebolile. La—lase labuyela emuva, futhi laphenduka laba amagesi omhlaba, futhi uthulana nje lulele lapho. Kodwa, nokho, ngenkathi lawomandla aphilisayo, ngokweZwi likaNkulunkulu, esithembisweni, amakhulu ngamakhulu, yebo, izinkulungwane zeminyaka kamuva, ngenkathi lawomandla aphilisayo elethwa evela ethuneni, uJobe, uAbrahama, uIsaka, uJakobe, bonke, baphuma ethuneni kanye naYe.

²¹⁰ IBhayibheli lacho njalo. UMathewu oNgcwele, isahluko 27 nevesi 51, lathi, “Abanangi babangcwele ababelele othulini lomhlaba, bavuka futhi baphuma ethuneni kanye naYe, ngenkathi Enyuka ngePhasika ekuseni.” Ngani na?

Babenalesosiqalo. Babenalawomandla aphilisayo, niyabo, futhi bavuka kwabafileyo, futhi bayo naYe ekuvukeni. Bajabulela ukuvuka kanye naYe, ngoba babegcwele lawomandla aphilisayo. Babenalolophawu lwePhasika lwangokoqobo.

“Awu,” wena uthi, “Ngifisa sengathi ngabe ngaphila emuva eTestamenteni eLidala.”

²¹¹ Awulinde umzuzu. KwabokuQala baseThessal-... kwabaseThesalonika, isahluko 4, ivesi 16, ngifuna nikufunde lokho. “Angithandi ukuba ningabi-nakwazi, bazalwane, ngabalalayo, ukuze ningadabuki, njengabanye abangenalo ithemba. Ngokuba uma sikholwa ukuthi uJesu wafa, wavuka ngosuku lwersithathu,” hhayi ukuzenzisa, kodwa siyakukholwa, “ngokunjalo nabaleleyo kuYe uNkulunkulu uyakubaletha kanye naYe.”

²¹² Abangcwele beTestamente eLisha benalawomandla aphilisayo, bayovuka, nabo, ekuFikeni kwaKhe kwesibili; ngokuqiniseke impela nje njengabangcwele beTestamente eLidala nawo onke lawomandla aphilisayo ephezu kwamathambo abo, nokuguqulwa namandla, kanjalonjalo, lokho kwakuhombisa uNkulunkulu. Labobaprofethi eleza kubo iZwi likaNkulunkulu, bavuka naYe ngalokho kusa kokuvuka; nangesithembiso sikaNkulunkulu ukuthi wonke okuKristu Jesu uyofika kanye naYe futhi ekuvukeni kwaKhe, amandla kaNkulunkulu aphilisayo phezu kwamathambo.

²¹³ Akumangalisi, sibeka izandla phezu kwabagulayo. Akumangalisi, sithandana. Singabafowethu nodadewethu. Asifanele sizondane ngoba siqondiswa yiZwi likaNkulunkulu. Sifanele sithandane, futhi sihloniphane. Niyazi, uma ningahloniphani, ngeke kunisize.

²¹⁴ Kukhona umfo omncane ohlezi khona lapha, ukuthi, phansi kwalelibandla manje. Ezinsukwini ezimbalwa ezedlule... Leyondoda iyakholwa. Umfana omdadlana wayenomdlavuza endlebeni yakhe, futhi wayengasho lutho ngakho. Wayesebenza enhla lapho endlini. Ngangikade ngisohambweni lokuyozingela naye, enhla lapho ezelamanini zakwaMoseley, noMfowethu Dawson lapha. Sasisenhla lapha sizingela, indodana kaMfowethu William. Futhi kwenzeka ngabheka ngale endlebeni yakhe. Ngayibona indlebe yakhe yonke ivuvukele. Ngathi, “Yin’indaba, Donavan, leyondlebe na?”

²¹⁵ Wathi, “Mfowethu Branham, sekukudala. Angazi.”

²¹⁶ Ngavele nje—nje ngambamba ngesandla lapho. Lowo kwakungumdlavuza omkhulu endlebeni yakhe. Angizange ngisho nelilodwa izwi; ngasibamba, futhi ngacabanga, “Mfowethu!” Osukwini noma ezimbili emva kwalokho, kwakungasekho ngisho isibazi esisele kuyo. Kwakungukuhlonipha kwakhe kuNkulunkulu waseZulwini,

ngamandla aKhe aphilisayo, abulala lowomdlavuza futhi asindisa impilo kaDonavan Weerts emuva lapho. Kunjalo.

²¹⁷ Ziyini lezizinto na? Bukani lapha, bantu lapha ePhoenix. Bukani nina bantu okholelwwe kulokhu. Bukani abantu onalokhu, obeka izandla zabo phezu kwenu. Bhekisisani ukuthi kwenzekani. Ngamandla aphilisayo. "Lezizibonakaliso ziyakubalandela abakhholwayo." Uma bebeka izandla zabo phezu kwabagulayo, lawomandla aphilisayo, ukhozi okhozini, kukhona okuzokwenzeka. Manje, ukhozi kuheshane, ngeke kusebenze. Ukhozi okhozini, luvuka esibuyeni, luye kokwasemaZulwini. "Lezizibonakaliso ziyakubalandela abakhholwayo," uma bobabili besezinkolweni.

²¹⁸ Niyawabona lawomandla aphilisayo afanayo kaNkulunkulu emelwe kulababaprofethi ababili, uElija noElisha. Qaphelani, igama elifanayo; omunye wabo uyahlwitha, omunye uyahlwithwa. Uyahlwitha futhi uyahlwithwa. Niyabo? Wahlwithwa. Siyohlwithwa; sihlwithwe kanye nabo, sihlangabezane nabo emoyeni. "Sihlwithwe ukuba sihlangabezane nabo emoyeni."

²¹⁹ Qaphelani, inyoni ifanele ibe nezimpiko ezimbili, ukuze ikwazi ukuzibhalansela. Kunjalo na? [Ibandla lithi, "Amen."—Umhl.] UElija wayeyiphiko elithathayo, uElija. UElisha wayeyiphiko lokuvuka. Niyabo? Bobabili, kanyekanye bemele abangcwele abaphilayo nabangcwele asebashona.

²²⁰ Khumbulani, baphiliswa ukuba babone okwedlule, amakhethini. Ukuthi lababantu baphiliswa kanjani emuva lapho ukuba babuke bedluleikhethini lesikhathi futhi babone phansi kulesisikhathi, labobaprofethi!

²²¹ Bukani uPawulu, washo ngezinsuku zokugcina ukuthi lababantu bayoba njani, benze futhi bazibize ngamaKristu. Wayengumprofethi, egcwale amandla aphilisayo, wabona okungakenziki kufezeka. Siyakukholwa lokho. Asikukholwa na? [Ibandla lithi, "Amen."—Umhl.] Wemukela amandla aphilisayo.

²²² Bukani amandla aphilisayo namhlanje, esho lezizinto zingakenziki, kungekho nesisodwa isehlakalo esigejayo. Asehluleki nakanye. Amandla aphilisayo; hhayi amandla omuntu; amandla kaNkulunkulu. Amandla, incwadi ewubufakazi yePhasika, uJesu ovukileyo owabuyisa incwadi ewubufakazi, ukusigarantela ukuthi sesivele siphilisiwe kanye naYe.

²²³ Qaphelani. Niyayikhumbula incwadi encane, oSomaBhizinisi lapha, *UkuBuka Wedlule IKhethini LesiKhathi* na? Ngqala ukuba mdala, ngazi ukuthi izinsuku zami ziya ngokuba mfishane. Ngithola ngempela...

²²⁴ Ngidlala leyongoma encane lawomanenekazi ayiculile esikhashaneni esedlule. Sengibe nayo cishe iminyaka eyishumi

nesishiyagalombili, amashumi amabili eminyaka manje. *Ngifuna UkuXoxa Ngakho, Nkosi.* Bese ngiphumela lapho bese ngiyokhuleka, bese-ke kufika lawomandla aphilisayo. Ngiphumule. Ngabheka Phezulu lapho. Ngithi, “Buka ngaleya.”

²²⁵ Ngiyakhumbula ngalokho kusa, ngibanjwa ngedluliswa. Nomkami, eholezi emuva lapho, elele embhedeni ofanayo kanye nami ngalokho kusa. Ngavuswa, ngase ngibhekha phezulu. Nango, ezumekile. Ngathi, “Uma ngizokwenza noma yini ngenzela iNkosi, kungcono usheshe, mfana. Sewedlule emashumini amahlanu.” Kwase kuthi uMoya oNgcwele wangahlwitha, ngase ngibuka Laphaya. Ngababona labo abangewe, Impela nje njengoba ngimi lapha ngakulelideski, naleNcwadi engcwele ibekwe lapha, nomfundisi weVangeli.

²²⁶ Sengake nganitshela yini noma yini eGameni leNkosi ngaphandle kwalokho okwenzekayo na? Ya. Ngifuna ningitshela ngakho. Ngaso sonke isikhathi, ngabe bekungokuphelele, emsamo na? Ngaso sonke isikhathi, ngabe kwenzekile njengoba Asho nje na? [Ibandla lithi, “Amen.”—Umhl.] Lona bekungu ISHO KANJE INKOSI.

²²⁷ Ngama lapho, ngalunguza kulesosikhathi. Ngabona amashumi ezinkulungwane eziphindwe kazinkulungwane eza, izinsizwa nabesifazane, begijima, bengigaxa, bememeza. Ngabuka emuva ngqo futhi ngazibona ngilele embhedeni. “O Nkosi, mangibuke-ngedlule ekhethinini lesikhathi.”

²²⁸ Kuyini na? Ngamandla aphilisayo ayosihlwitha. Lawomandla amakhulu aphilisayo. Amandla aphilisayo ayeza ngalolu izinsuku zokugcina.

²²⁹ Yilokho engikukhonele eArizona, khona manje. Kukhona abantu abanigi abahlezi khona lapha, abama khona lapha ePhoenix, futhi bangizwa ngenitshela ngiku wona lomsamo, “ISHO KANJE INKOSI.” Bangaki okukhumbulayo na? “Manje hambani. Kukhona into ezokwenzeka.”

²³⁰ Ngabona iziNgelosi eziyisikhombisa ziza. Alikuqukethe yini iphephabhuku *iLife*, lapho ifu laKho lintanta livundle lapha, amamayela angamashumi amabili nesikhombisa ukuphakama, namamayela angamashumi amathathu ukuvundla na? Ngabe akusuye uFred Sothmann, laba abanye, uGene Norman, bona, behlezi emuva lapho na? Bama khona lapho ngenkathi lezoziNgelosi eziyisikhombisa zibonakala khona lapho eqgumeni. Kwanyakazisa amagquma, amamayela ukuzungeza, kanjalo. Nakho kumi iziNgelosi eziyisikhombisa. Zase ziphosa inkemba esandleni sakho, zathi, “Hamba uye ekhaya bese uvula leziziMpawu eziyisiKhombisa ezinikezwayo.” Futhi nazi, imfihlakalo yangempela yomshado nesahlukaniso, nenzalo yenysoka, nazo zonke lezizinto obekuqophiswana ngazo. Ngu ISHO KANJE INKOSI.

²³¹ Kuyini na? Amandla aphilisayo eza eBandleni, elenza Lime ngomumo, lelihora esisondela kulo. Amandla aphilisayo!

O Nkulunkulu, sisize ukuba siWemukele. Sisize ukuba siWakholwe.

²³² Niyabo, nje kuya ngokuthi uWathatha ngasiphi isimo, noma ngabe Azokusiza, noma ngeke, nokho. Niyabo? Ufanele ukukholwe Lokho. AwuKukholwa, Kungeke kukusize nakancu.

²³³ Wama kanjani uSamuweli omdala lapho ngaphambi kwalabobantu, wayesethi, “Sengake nganitshela yini noma yini eGameni leNkosi ngaphandle kwalokho okwenzeka na? Sengake nganxiba imali yenu, ukuba ngiphile ngayo na?”

“Qhabo, kodwa sifuna inkosi, noma kanjani.”

²³⁴ Lingaleyondlela ibandla namhlanje. Bafuna imibono okungeyabo. Ngeke bakunake nakancu. Bahamba ngqo bajikeleze. Awu, kuyakhombisa nje, amandla aphilisayo awekho lapho.

²³⁵ “O,” wena uthi, “Ngakhulumu ngezilimi. Ngagxuma futhi ngamemeza.” Konke lokho kuhle.

²³⁶ Kodwa uma lawomandla aphilisayo elapho, uyoqonda. Njengalolokhozi oluncane; lowo ngumama walo. Lelo yiZwi. Lowo ngu ISHO KANJE INKOSI. Yilokho uNkulunkulu akwethembisa. Yilokho okwashiwo kungakenzeki. Yilokho impela okwenzeka. Sesedlule ngaleya kwanoma yiliphi ithunzi, ngokweziqalo sisekuvukeni khona manje, abangeweble balungiselela ukusiwa phezulu emoyeni.

²³⁷ Ngakho, uJesu, egcwele kakhulu lamandla aphilisayo, wathi, “Uma ningadiliza lelithempeli; elanithatha iminyaka engamashumi amane, nanicabanga, ukulakha; Ngizolivusa ngezinsuku ezintathu.”

²³⁸ Ngani na? Kungani uJesu asho lokho na? Ngifuna ukunibuza. Kungani uJesu asho into enjengaleyo na? Wayazi Ukuthi WayenguYe. Amen. Ngifisa sengathi lokho bengingakwenza kunamathele. Wayazi ukuthi WayenguBani. Wayekwazi ukuthi, lonke iZwi, uNkulunkulu ayelilobe lapho ngaYe, Wayeligcwalisile. Wayazi ukuthi WayeyiLowo uDavide akhulumu ngaye.

²³⁹ Niyazi yini ukuthi niyilabo iBhayibheli elikhulumu ngabo na? [Ibandla lithi, “Amen.”—Umhl.] Niyazi ukuthi indawo yenu ikuKristu na? Uma nikuKristu, niyisidalwa esisha. Niyazi ukuthi leliZwi lifana nje nokuphila kwansuku zonke, kini na? Ngani, impela. Lingelenu. Niwukhozi. Lokho ngukuDla kwenu.

²⁴⁰ Wayekwazi ukuthi, ngamandla kaNkulunkulu, Wayezokwenza, ngoba kwakuprofethwe ukuthi Wayezokwenza. Yingalesosizathu Wayengesabi ukuba athi, “Dilizani lelithempeli. Ngizolivusa ngezinsuku ezintathu, ngoba uDavide wathi, ‘Angiyikushiya umphefumulo waKhe ehayidese,

Angiyikuvuma ukuba ONgcwele waMi abone ukubola.” Wayazi ukuthi akukho nelilodwa ingqamuzana lokuphila lomzimba wakhe elaliyobola. Futhi ubola emahoren angamashumi ayisikhombisa-nambili. Wathi, “Dilizani lelithempeli. Ngizobuye ngilivuse, futhi ngezinsuku ezintathu.” Ngani na? Wayegcwele kakhulu lawomandla aphilisayo aphilisa lonke iZwi. Wabheka emuva futhi wayebone lonke iZwi likaNkulunkulu elalilotshwe ngaYe, nomprofethi wathi Waligewalisa. Wayazi ukuthi lokho kwakuzogcwaliseka, nakho.

²⁴¹ Manje, lonke iZwi uNkulunkulu alisho, umoya wakho uthe “amen” kuLo, Ligcwalisekile empilweni yakho, njengekholwa na?

²⁴² Ngabe ubabemlela emuva entweni ethize, uthi, “Awu, ibandla lami lifundisa okwehlukile na”? Khona-ke xwaya, heshane.

²⁴³ Qaphelani. Izinkozi ziyakholwa. Akukho-mbuzo, kuzo. ZiyaLikhholwa. Qaphelani.

²⁴⁴ Manje, Wayazi ukuthi kwakuzokwenzeka ngoba iZwi lathi Kwenzeka. Futhi lonke iZwi elilotshwe ngaYe lalifanele ligewaliseke. Wayazi lelo Lalilotshwe ngamandla kaNkulunkulu, ngabaprofethi abangcwele ababeprofethile ukuthi Wayezokwenzhenjalo.

²⁴⁵ Nesiprofetho asehluleki neze. Singeke. IZwi likaNkulunkulu ngeke lehluleka. Futhi kulotshiwe e...nguMoya ukuthi... Futhi manje, futhi, uMoya owavusa uJesu kwabafleyo, uma Ehlala kubuwena, umzimba wakho, Uyovusa nomzimba wakho ofayo. Manje-ke, udubule, ushise, yenza nomu yini ofuna ukuyenza, hlekisa ngawo, udabule, wale, yenza ofuna ukukwenza. UNkulunkulu uyowuvusa, ngokuba Wathi Uyokwenza. Futhi wonke ongcwele kaNkulunkulu unalesosithembiso kuye, uyazi ukuthi lelo yiQiniso. Ngakho, ungesabi, mfowethu, sesivele sisePhasikeni.

²⁴⁶ Bukani manje ekuphendulweni esinye isimo, ngaphambi nje kokuba sivale. Ukuphenduka esinye isimo, ukuphenduka esinye isimo, sonke simelwe lapho ekuphendukeni esinye isimo. Bukani ukuthi sibonani namhlanje. Qaphelani nje ukuthi sibonani namhlanje, amandla kaNkulunkulu aphilisayo. Sonke sasilapho. Kwakukhona abangcwele abofile, bemelwe kuMose; kwakukhona ukuvuka; noJesu Kristu wakhazimuliswa. UElisha...uMose, uElija, noJesu, bonke bemi entaben; abangcwele abofile, abangcwele abahlwithiwe; noJesu ekhazimuliswa. O, he!

²⁴⁷ Awu, wena uthi...ngezwa umfo esho. Bayothi, “Ninabantu, ngani, ukuba beninaloluhlobo lwamandla, benifanele niphume futhi nitshele abantu ukuthi ningenzani.” Makube kude nomKristu weqiniso, esho ento enjengaley. Niyabo? Impela, asizisho ukuthi sinamandla. Uku...

²⁴⁸ Kodwa senza into eyodwa. Ngenkathi beqalaza, nawo onke lamandla ephezu kwabo, “Babona uJesu yedwa.” Nalelo langempela, iholwa leqiniso alikhathali noma ngabe lesekela ihlelo, noma lutho ngakho. Lifuna into eyodwa kuphela, ukuba wena ubone lowo Kristu okhazimulisiweyo, kwenza noma imuphi umehluko. Olwangempela, ulwazi lweqiniso lwaseNtabeni yokuPhendulwa esinye isimo kuphela lukhazimulisa uJesu Kristu. Alimkhazimulisanga uMose, alimkhazimulisanga uElijah, alubakhazimulisanga bona uqobo, alukhazimulisanga lutho olunye, kodwa babona uKristu okhazimulisiweyo. Futhi noma yiliphi iholwa leqiniso, yilokho okusenhliziyweni yalo, ukukhazimulisa uJesu Kristu. Yilokho elikuzamayo, lenza abantu ukuba babone.

²⁴⁹ Lingasho ukuthi, “Awu, uma uza uzojoyina amaqembu ethu, uma uza wenze *lokhu* noma wenze *lokho*.” O, ungakwenzi lokho. Ungakwenzi lokho.

²⁵⁰ Bona iZwi likaNkulunkulu, elinguKristu, lenziwa likhulu; futhi ligewaliswa isithembiso salolusuku, ngalelihora elikhulu lokuvuka. Qaphelani. Futhi ubanika injabulo, ukwazi ukuthi sinaYe, inyama yenyama yaKhe, nethambo lamathambo aKhe. Injabulo enje pho! Yileyonto kuphela iholwa leqiniso eliykhathalelayo.

²⁵¹ Abanendaba nehlelo. Abanendaba nenhlangano. Abanendaba ukuthi abanye besifazane bacabangani. Abanandaba. Impela qha. Bangeke bazenze lezizinto e... laba abanye abesifazane abazenzayo. Ba...Laba besilisa bangeke bazenze lezozinto. Bangeke balenge futhi bazenze izingane nenhlangano ethize, bebalekela ukukhishwa, futhi besabe ukuthi bangeke babenethikithi lokudla. Abanendaba nalezozinto. Ingumbhedo kubo.

²⁵² Sinye kuphela isifiso senhliziyi, singukuthi, ukubona uJesu Kristu ekhazimuliswa. Ukuziphatha kwabo kufanele kube noNkulunkulu. Kufanele ngokoqobo, lutho olunye, kodwa nje inkazimulo kaJesu Kristu. Futhi yini uJesu na? IZwi. Kunjalo na? [Ibandla lithi, “Amen.”—Umhl.] Manje, qaphelani, futhi sibona indlela eyisu lakhe elifanayo eliqinisekisiweyo, efakazisa ukuvuka kwaKhe. Manje kuyini na? Ubona ukuphila kwakho, ngezwi laKhe elithenjisiweyo Athi, “Nguyenza izolo, namuhla, naphakade,” efakazisa ukuthi Usaphila.

²⁵³ Anginandaba noma yonke iminyango ezweni ivaliwe kimi. Ukuthi, ngi... Njengoba ngishilo, nganganinamashumi amahlanunesithupha, ngolunye usuku. Ingaphoqozwa. Ngisonyakeni wokuhlaselwa inhliziyi. Ngikuwo wonke lona omunye unyaka, nakho konke okunye. Awu, mehluko muni? Akwenzanga mehluko kimi ngenkathi ngsengumfanyana. Akwenzi mehluko manje, ukuthi hora lini inombolo yami ebizwa ngalo, nekhadi lami elikhishwa eshalofini. Anginandaba noma bake bazi ukuthi

ngake ngaphila emhlabeni. Akungenzeli mehluko. Abadingi ukuba babenezithombe ezinkulu eziqoshiwe nezakhiwo ezinkulu ukuba basho ukuthi ngangilapha emhlabeni.

²⁵⁴ Kodwa yinye into engifuna bayazi, ukuba bazi ukuthi “uJesu Kristu nguye izolo, namuhla, naphakade.” Futhi enhliziyweni yami ngiphethe incwadi yaKhe ewubufakazi. Futhi ngiyazi ukuthi ngolunye usuku... Nakuba, ngingaminziswa olwandle. Ngingabulawa eAfrika. Angazi ukuthi kuyokwenzekani kimi. Kodwa into eyodwa engiyaziyo, ngiphethe incwadi ewubufakazi. Haleluya! Yonke iminyango ingavalwa. Lokho akwenzi nomncinyane umehluko kimi. Angizami ukudumisa umuntu othize nomina inhlangano ethize, nomina mina uqobo, nomina nayimaphi amaqembu, nomina lutho olunye. Ngifuna abantu babone ukuthi uJesu Kristu uvusiwe kwabafileyo, noMoya wakhe uyaphila. “Nguyenya izolo, namuhla, naphakade.”

²⁵⁵ Akumangalisi, uJesu wathi, “Ungesabi. NginguYe owayefile kodwa seNgiyaphila kuze kube phakade.”

²⁵⁶ “Ngokuba manje sihlengwa nguYe, futhi sivuka naYe, futhi manje si (hhayi ukuthi siyo) hlezi ezindaweni zaseZulwini kuYe.” Manje, uma sinaloMoya kithi, incwadi ewubufakazi, ikhombisa ukuthi konke okokungabaza sekususiwe. Ini? uKristu uyaphila. Akusimi e ngiphilayo; akusimi. “uKristu uphila kimi.” Akusuwe ophilayo, kodwa uKristu uphila kuwe. Ngoba, iZwi laKhe eliphilayo liphila kuwe, likhombisa ukuthi zonke izikweletu zayoyonke iMethodisti yakho, neBaptisti, nemiqondyo yamaPentecostal, konke okunye, kwasuswa. NoJesu Kristu...

²⁵⁷ NjengaseNtabeni yokuPhendulwa esinye isimo, bonke abaprofethi nakho konke okunye sekufeziwe. Zonke izinsuku zeLuthela, iMethodisti, iPresbyterian, zonke zikahle, kodwa, “Lo uyiNdodana yaMi ethandekayo. Yizweni,” iZwi lalelihora, ihora lezimpawu. Ngenkathi, zonke izimfihlakalo emuva ngaleya, ebifihliwe yonke leminyaka, lezo ileso sivivane esikhulu sesikhathi esasuswayo, itshe eliyinhloko, lilolongeke lehla ukuze ukuthi inkanyezi kaDavide iyohlala endaweni yaLo. NeBandla elikhulu likaNkulunkulu ophilayo liyophakanyiswa njengamaphiko okhozi, lithwalwe liyiswe ngaleya liyongena eNkazimulweni. Yebo.

²⁵⁸ Phakathi manje, phakathi manje, emizimbeni yethu: nokukhuluma ngezilimi ezintsha; nokuprofetha, nokubona kungakenzeki; sibeka izandla kwabagulayo, futhi bayaphila; izwe, lifile, nazozonke izinto zezwe. Sedlulile ekufeni sangena ekuPhileni, futhi manje siphethe amandla. Haleluya!

Ngalokho kusa kokuvuka,
Lapho izimpawu zokufa ziyoqaqwaa,
Siyovuka, (Haleluya!) siyovuka. (Amen!)

²⁵⁹ Abekho odeveli abenele esihogweni ukuba basivimbele ukuba sikwenze. Saziwa phakade nguNkulunkulu okwalelihora. IZwi likaNkulunkulu Lizibonakalisa ngqo ngathi. Futhi siphila eBukhoneni bukaNkulunkulu, ngeZwi elithenjiswa nguNkulunkulu. Akukho develi esihogweni ongangivimbela ekuvukeni. Akukho mnyango angawuvala ebusweni bami, ngalokho kusa. Izimpawu ziqaqiwe. Haleluya!

²⁶⁰ Ngikhululekile. Ngiwukhozi. Angisekho ekubiyelweni, kodwa ngikhululekile. Ngivukile kwabafileyo, ngangena ekuPhileni okusha kukaJesu Kristu. Akusimina kuphela, kodwa wonke owesilisa, owesifazane, intombazane noma umfana ohlezi lapha, ogcwalisiwe wangena kulowoMoya kaNkulunkulu, uyisidalwa esisha kuKristu. Futhi uwukhozi.

²⁶¹ Siyaphila, namhlanje, futhi sijabulela ukuvuka kuze kuphephakade. Ngoba Uyaphila, siyaphila, nathi. Futhi Uphila kithi, esenza siphile. NoMoya owaMvusa kwabafileyo, ehlala kubuthina, uyakuvusa imizimba yethu efayo, ngaleloPhasika elikhulu laPhakade. Udumo kuNkulunkulu!

²⁶² O, thatha izwe, thatha noma yini ofuna ukuyithatha, kodwa ngnike uJesu. Amen. NgiyaMthanda. Uyilo lonke izwe, kimi.

²⁶³ Futhi ngenxa yokuthi uyinxenyeye yaKhe, ngiyinxenyeye yakho, nawe uyinxenyeye yami. Futhi, sisonke, siyinxenyeye yaKhe.

²⁶⁴ O, mKristu, ithuba elinje pho esinalo! Sinamathuba uPawulu oNgcwele angazange aphuphe ngokuba nawo. Sinamathuba uEnoke, noElija, nabo bonke abangazange babenawo, amathuba esinawo manje.

²⁶⁵ Futhi kukhona imvu encane eyodwa phandle ngaleyenda wondawo, futhi Akazukweneliseka ize leyo eyodwa ingene esibayeni. Ngosizo lukaNkulunkulu, nangombono, no ISHO KANJE INKOSI, ngibuyela phesheya kolwandle. Leyomvu encane yokugcina ingahle ibe emnyama ezansi lapho, ngakho konke engikwaziyo, lapho abangacabangi ngisho ukuthi inawo umphefumulo. Kodwa uNkulunkulu wazi okwehlukile. Ngizofuna kuze kube usuku lokugcina lwempilo yami, ukuba ngithole leyo eyodwa, noma ngabe ikuphi.

²⁶⁶ Ngethemba ukuthi angizange ngikhube noma yimuphi wabazalwane bami ngokusho lezizinto ezinemithetho eqinile. Ngi...Akusikho njengokungathi angithandi ukuba niye ebandleni. Impela, ngiyathanda ukuba niye ebandleni. Yana ebandleni noma yikuphi lapho oya khona. Kodwa nje ungakuvumeli lokho kube yithemba lakho, uthi, "Awu, ngingowa *leli*, noma ngingowa *lelo*." O, mfowethu, dadewethu, yiba ngokaKristu. Hamba uye ebandleni, kodwa yiba ngokaKristu. Amen.

²⁶⁷ Akuthi leso—akuthi lesosiqalo, uma leso singekho kuwe, sikuphilisele khona manje ekuPhileni. UngeKwemukele manje na?

²⁶⁸ Lendlwana igcwele Khona. NgiKuzwa yonke indawo kimi. Ngiyazi ukuthi Kulapha, amandla kaNkulunkulu, uMboni omkhulu wemibono, uMbikeseli omkhulu ongasho izinto futhi akwehluleki neze, Lowo omkhulu ongakhulumfa futhi akukho-muntu ongathi kungu “qhabo,” uMuntu ongavula futhi akukho-muntu ongavala. Lowo owayefile manje useyaphila, futhi uyaphila, namhlanje, lapha ePhoenix, ehamba phakathi kwezimbali ezizalwe ngokusha.

²⁶⁹ Akumangalisi, ngaleloPhasika ekuseni amathonsi ezinyembezi amancane amazolo elele kuzo zonke izihlathi zomnduze nazo izintebi. Ngani na? Wawazi ukuthi wakhulisa emhlabathini, futhi ndawo ndawo kukhona imbali yaPhakade eqhakazayo. Iyothatha indawo yayo ngoluny’usuku. Kunjalo.

²⁷⁰ Akumangalisi, izinyembezi zenjabulo zingehla ezihlathini zethu. Akumangalisi, izinhliziyo zethu ziyathuthumela futhi ziqaqhaqazele uma singezwa lawomandla afanayo aguqulayo eza angene ezimpilweni zethu futhi esigewalisa, ngisho nokusivumela sikhulume ngolwimi oluvela eZulwini.

²⁷¹ Siphiliswa kakhulu siyongena eBukhoneni baKhe lapho, siprofethe, sibone izinto zingakenzeki, sisho izinto zingakenzeki, nakho konke kushaya ngokuphelele neZwi. Uma kuprofetha okuphambene naLelo, ningakukholwa. Kodwa uma kukanye neZwi, Selivele lithi, ISHO KANJE INKOSI.

²⁷² “Ningesabi. NginguYe owayefile, futhi sengiyaphila kuze kube-phakade.” Lolo wuphawu lwePhasika likaNkulunkulu olunameka ngophawu yonke incwadi yaleliZwi enhliziyweni yakho. Yini uphawu na? “Niyizincwadi ezilotshiwe, ezifundwa ngabantu bonke.” Niyakwazi lokho. Kodwa nxa uNkulunkulu ethe ungowakhe. Wakubeka uphawu ngophawu lwePhasika, ukuthi uvuke kanye noKristu, futhi uyisidalwa esisha.

²⁷³ Uma ungakabekwa uphawu kulokhu ukusa, yenzenjalo sisakhothamisa amakhanda ethu.

²⁷⁴ [Umfolwethu uqala ukukhuluma ngolunye ulimi. Akuqoshwanga eteyipini—Umhl.]... Nkosi. Niyakuzwa lokho na? [Tbandla, “Amen.”]

²⁷⁵ Cabangani manje, amakhanda enu ekhotheme. KwabaseRoma 8:11, “Uma kanjalo kungukuthi uMoya owavusa uKristu kwabafileyo ekini, Uyakuphilisa nemizimba yenu efayo.”

²⁷⁶ Yini esingayibheka, bantu na? Yini lapho esele na? Bukani iFormosa nalo lonke izwe. Nemicibisholo ejikijelwayo yama atomu nakho konke okunye sekumi ngomumo nje ukuba kugadle ezwensi, futhi nje kunovalo olukhulu, nokwesaba, nokumpompoloza. Nalababalangisi bamabhayisikobho uyadlala, phandle lapho, nje besho lonke uhlobo lwamahlaya, njengomfana omncane nje eyokwedlula emangcwaben, eshaya ikhwela ebusuku, ezama ukwenza abantu bakholve ukuthi

yonke into ihamba kahle. Ungakhohliswa. Ukufika kweNkosi sekuseduzane.

²⁷⁷ Niyaqaphela, ngolunye usuku, umdobi uyakhuphuka wayesengitshela, ehlezi phansi ngaleya echwebeni, ukuthi, uhlobo oluthize lwephoyinti eseligugile noma enye into ethize ezansi lapha. Nokuthi kanjani, ukuthi, kusekude ngaphambi kokuba lokho kuzamazama komhlaba kuzamazame phezu kweGrisi, zonke izinhlanzi ngokwejwayelekile edlayo cishe ngalesosikhathi ekuseni, azidlanga. Kwakuyini na? Zazingekho ngaphezulu. Isikhathi sesibili kwenzeka, into efanayo yenzeka. Wazi ngayo leyonkathi ukuthi kukhona okuzokwenzeka. Lezozinhanzi yayingadli ngalesosikhathi.

²⁷⁸ Nazo zonke izinyoni amagalzi nezinto ezidla izinhlanzi, zayeka ukudla. Leyontathakusa ekuseni, zidla ngaleyonkathi. Zavele nje zahlala ogwini, zasuka emifantwini yamadwala nezinto. Ngokuba, emizuzwini embalwa nje, izitshalo zasolwandle ziqala ukuqubuka ziphuma emhlabathini, zisuka ezinzulwini zowlwandle. Niyabo? Lezozinhanzi zakwazi kungakenzeki.

²⁷⁹ Ngiyongena eNdiya, ngafunda iphepha, lathi, "Ukuzamazama komhlaba kufanele ukuthi sekupheli." Izinsuku, izinyoni ezincane zazingabuyeli ezidlekeni zazo emadwaleni. Izinkomo zazingami eduze kwemipheme phansi kwe...ethunzini, ngokushisa kwemini. Izimvu zama zaphumela ngqo phakathi nedlelo, zencikana. Zazingenyuki ziye ngakulawomadwala, izinsuku ezimbili noma ezintathu ngaphambi kokuba kwenzeke ukuzamazama komhlaba.

²⁸⁰ Ngani na? Lezozimvu zakwazi. Zazazi ukuthi kukhona okwakuzokwenzeka. Lezozinyoni zazazi ukuthi kukhona okwakuzokwenzeka. Lezozinyoni amagalzi zazazi ukuthi kukhona okwakuzokwenzeka. Lezozinhanzi zazazi ukuthi kwakukhona okwakuzokwenzeka. NguNkulunkulu ofanayo owaholela lezozilwane ukuba zingene emkhunjini.

²⁸¹ Aniboni yini, bantu abagcwaliswe ngomoya, ukuthi kukhona into elungiselela ukwenzeka na? Ningabheki into ethize enkulukazi yomhlabo wonke, ishanelo, lutho kuphela ukuFika kweNkosi uJesu. Khumbulani, khumbulani nje amaZwi nesithembiso seNkosi.

²⁸² Ningeze masinya impela na? Sukani kulezozindonga ezinkulu. Ukuvuka sekusondele eduzane manje. Uma ekhona lapha abangazi ukuthi bayoya kulokho kuvuka, futhi bengaquinisekile ukuthi banawo lawomandla okuvuka ephumule kubo!

²⁸³ Noma izibungu zesikhumba ziwubhubhisa, ngokuqhuma kwebhomu ye atomu khona impela phakathi naphakathi kuwe, ayisoze yawabhubhisa lawo aphilisayo, amandla okuvuka. Qhabo, qhabo. Dadewethu, mfowethu, igama lakho eliligugu

lifakwe eNcwadini yokuPhila yeWundlu phezulu ngaley. Akukho-muntu ongalesula. Akukho-zihlanganisi zokwesula ezenele, ezweni, ukuba zesule igama lakho eNcwadini Lapho lapho iGazi laKhe lilithenge khona.

²⁸⁴ Uma ungaqinisekile ngalokho, unga—ungathathi ithuba kukho manje. Niyabo? Ungahle uthathe ithuba ngokwedlula esivimbeweni ndawondawo futhi ungakutholi ukubulawa, kodwa awuzukwedlula kulesisivimbelo. Qhabo, qhabo. Uzokuthola. Ungeke udingeke ukuba ukwenze. Kukhona ilambu elibomvu elibanekayo manje. Yedlula, yedlula imibono yakho uqobo, yedlula izinto zezwe.

²⁸⁵ Wozani. Masivuswe kanyekanye ePhasikeni elihle kakhulu, umgubho omkhulu wePhasika. Ungaligubha enhliziyweni yakho kuleliviki na? Uma ungeke, ungasiphakamisela nje isandla sakho kuNkulunkulu na?

²⁸⁶ Uthi, “Nkulunkulu, angiqinisekile ngakho. Angazi noma ngingakwenza nje konke lokho noma qha. Ungangisiza na? Ngizophakamisela isandla sami kuWe, Nkosi. Ngisize.” UNkulunkulu akubusise. UNkulunkulu akubusise. Kuhle lokho. “Ngi—ngi—ngifuna Wena, Nkosi. Ngisize. Ngi—ngifuna—ngifuna ukuvuswa. Ngi—ngiyakufuna. Ngifuna ukuba neziqalo khona manje. Ngifuna ukwazi ukuthi kuqinisile. Ngifuna ukwazi ukuthi kuqinisile, Nkosi. Ngiyazi, ngeke ngenza mist.... Angifuni-phutha-ke ngaleyonkathi. Ngeke kube....” Sizobe sesedlule isikhathi. Usuku lumanje. He! Usuku lumanje. Ungalindi.

²⁸⁷ Esikhathini esingeside esedlule, ngangishumayela. Kwakukhona indoda eyikhaladi ebuya emuva lapho ngemuva endlini, yahlangana nami. Yathi, ithi “Mfundisi ohloniphekile, ngifuna ukukutshela. Ngithi wena uqinisile.” Yathi, “Sengiyitshelile iNkosi, kudala, ngifuna ithikithi lami libe sesandleni sami ngalokho kusa. Ngifuna ukwazi ukuthi liqhafazwe ngokuyikho.” Yathi, “Kuzoba nenkathazo eninginingi ezansi lapho emfuleni.” Yathi, “Ngi—ngi—ngiyeza ngehlela kulowomfula.” Yathi, “A—angifuni-nkathazo lapho. Ngifuna ukukuqondisa konke khona lapha.” Kunjalo.

²⁸⁸ Unayo yini incwadi yakho ivisa yokungena kwamanye amazwe? Uma ungenayo ivisa yakho.... Ungahle ube nephaphothi, kodwa, uma ungenayo ivisa yakho, ungeke ungene eZweni. Uyakwazi lokho. Unayo yonke into yakho emi ngomumo na? Uma ingamile, khona manje isikhathi sokukwenza.

²⁸⁹ Ungesabi, uma wesaba kancanyana. Manje, kukhona cishe izandla eziyikhulu eziphakanyisiwe phakathi lapha. Ngakho uma wesaba kancanyana nje, asikuxazulule nje.

²⁹⁰ Manje, ngiyazi sinezindlela ezechlukene. Abanye besilisa bathi “Yenyuka, angikuxhawule.” Omunye uthi, “Yenyuka,

uguqe ealtare.” Manje, labo ulungile. Anginazwi nelilodwa ukulisho ngokumelana nakho, nhlobo, akukho lutho, noma yini ezosindisa.

²⁹¹ Kodwa nje ake nginitshele indlela yami. “Abaningi abakholwa, abaningi...” Ukuza ealtare ngeke kukwenze ukholwe. Ukuxhawulana nomfundisi ngeke kukwenze ukholwe. Kodwa uma ubizwe nguNkulunkulu, futhi uwukhozi, kwasekuqaleni, ukukhala kakhulu nje kuyakutshela. Uzokholwa. Uma ukukholwa ngempela, ngizokhuleka kanye nawe.

²⁹² Ungathini nje lolokhozi oluncane lube lusahlala esibuyeni na? Qhabo, qhabo. Hhe—e. Qhabo. Ungabe usahlala lapha, mngane. Asi—asiHlwithwe manje. Umusa kaNkulunkulu ulapha ukuba ukwenze.

²⁹³ Baba waseZulwini, siyaqonda ukuthi siyeza sehlela ehoren. Lokuvala asinaso isikhathi eside kakhulu ukuba sibe lapha manje. Hhayi njengobudala bethu, kodwa ngesikhathi. Siyakholwa ukuthi baningi umuntu osemusha ohlezi lapha, uzobephila uma lokhu kwenzeka. Kusengenzeka nanamhlanje. Asiwazi umzuzu noma ihora. Kodwa, Nkosi, Wena wasitshela, “Nxa nibona lezizinto zenzeka,” futhi kade zenzeka manje isikhathi eside.

²⁹⁴ Siyazi sesedlule kude le, ngokososayense. Isithupha, iminyaka eyisikhombisa edlule, besisalelwem imizuzu emithathu kushaye elaphakathi nobusuku. Asazi ukuthi leso isikhathi esingakanani, uthi luhamba, kodwa siyazi ukuthi sikhona khona lapho.

²⁹⁵ O Nkulunkulu, ukuba nalesosiqiniseko: ukubona ukuthi inhlizyo yethu igcizelela sonke isithembiso sikaNkulunkulu ngo “amen,” ukubona ukuthi uMoya qobo IwaWo, ongene kithi, uphilisa ubuthina.

²⁹⁶ Nkulunkulu, vumela abazalwane bami bakubone lokho, kulokhu ukusa. Vumela abazalwane bami bakubone lokho, ukuthi lowoMoya uyangena futhi uphilise eZwini. Vumela odadewethu babone into efanayo, Nkosi. Bese kuthi ke, uma bebona into ethize engeke yabavumela baphiliswe kuleloZwi, O Nkulunkulu, kwangathi bangayiyeka masinya impela. Siphe khona, Baba. Konke kusezandleni zaKho manje. Ngiyazi ngehlulekile ezintwени eziningi, futhi ngiyaqhubeuka nokwehluleka, kodwa, Nkosi, ngenze konke engaziyo ukuthi kwenziwa kanjani. Manje sekusezandleni zaKho. BangabaKho. EGameni likaJesu, bemukele, Baba.

²⁹⁷ Manje kuwena olapha nodinga ukuphiliswa komzimba wakho. Mangaki amakholwa alapha na? Phakamisa isandla sakho. “Ngiyikholwa, ngokwazi inhlizyo yami.” Bangaki asebenakho? Uyazi, ngale kwethunzi lokungabaza, ukuthi enhliziyweni yakho, khona manje, usuvusiwe kwabafileyo na?

Uyazi? O, he! Kungenzekani emhlanganweni onjengalona ke na? Ngiyazi sengedluelwe isikhathi, kodwa kungenzekani khona manje na? Cabanga nje ukuthi bekungenzekani. Iziqalo silele kuwe ngqo. Uyabo? Wena, ophakamise isandla sakho, uthathe njenge—njengesifungo, kuNkulunkulu, ukuthi, “Ngiyazi ukuthi kukhona okwenzeke kimi. Ngingahle ngingabi kahle lapho obekufanele ngibe khona.”

²⁹⁸ Kanjalo nami. Qhabo, mnumzane. Ngikude le kwalapho okufanele ngibe khona. Kodwa ngazi lento eyodwa, ngedlulile ekufeni ngangena ekuPhileni. Ngiyazi kukhona okwenzeke kimi. Emingi... Hhayi njengendoda endala manje, kodwa eminingi, eminingi iminyaka eyedlule, kwenzeka.

²⁹⁹ Futhi ngiyazi, ngalolosuku ngenkathi nighamba ngiyongena kulesosibhedlela, ngenkathi nginenselelo yami enkulu. Ngambona umkami efa; mina ngibiza ukuphila kwakhe. “Futhi ngenzeni ngaphandle kokuthi ngime ekhoneni lomgwaqo, ngishumayele, futhi ngikhulekele abagulayo?”

Wayesethi-ke uSathane, “Awu, ngeke Awuphendule umkhuleko wakho.”

³⁰⁰ Ngambona efa, kodwa ngiyazi ukuthi kuye kwakuyilawo mandla okuvuka. Lawomathambo ayeyovuka futhi.

³⁰¹ Ngayibona ingane yami encane ilele lapho. Ngase ngiyibeka isandla sami, ngithi, “Nkulunkulu, ungayithathi.”

³⁰² Kubonakala sengathi Wavala ikhethini, wathi, “Ngingeke ngisho ngisakuzwa.”

³⁰³ USathane wathi, “Nakho lapho. Izwi elilodwa nje...” Wayazi kangcono kunokungitshela ukuthi kwakungekho Nkulunkulu, ngoba ngangikwazi lokho. Kodwa wathi Akangithandi, Akangikhathaleli. Niyabo? Yonke into ehluzile engqondweni, yathi, “Useyinsizwa nje, nokho eneminyaka engamashumi amabili ubudala. Nakho kulele umkakho elele ezansi lapha emakhazeni. Futhi nansi ingane yakho iya lapho. Futhi—futhi nje... Uthe Wayengumphilisi omkhulu, futhi Uyikho konke *lokhu*. Futhi, buka, Wenzani na? Izwi elilodwa, Ubengeke ngisho adinge ukuba alikhulume, abuke phansi nje lapho bese eyasho. Anqekuzise ikhanda laKhe nje, yilokho kuphela obekungenzeka, futhi ibizophiliswa. Kodwa, uyabo, Akakuthandi. Akakunakekeli. Eyekela ingane yakho ife khona lapho manje, futhi wala ngisho ukuzwa umkhuleko wakho ngalelihora elimnyama.”

³⁰⁴ Yonke into ayisho yayiyiqiniso uqobo. “Ngakho wenzeni na? Usebenza usuku lonke, kuze kube l’khuni nokuthi ukwazi ukusukuma. Bese-ke uhlala ngezinqa ubusuku bonke, kuze kube neleshumi nambili nelokuqala nqo. Umi emakhoneni emigwaqo, ushumayela. Ushaya izingcingo eziya esibhedlela. Ungene nje bese uhlala phansi, isihlalo, uhlale lapho futhi ulale ihora noma amabili, bese ubuyela emsebenzini futhi.

Ngobusuku obulandelayo, yinto efanayo. Futhi nakhu lapho okhona, cishe iminyaka engamashumi amabili-nanye, amashumi amabili-nambili eminyaka ubudala. Wonke umngane, yonke intombi, yonke insizwa owake wazihlanganisa nayo, yayikubiza ngongahlakahlile ekhanda owuhlanya. Wenzeni na? Wawuzenza isilima. Awukuboni na?” Ngase nje cishe ngilungele ukuvumelana naye.

³⁰⁵ Futhi Into ethize phansi kimi, lokho kwakuyilawomandla aphilisayo. Ngathi “İNkosi iphile, futhi iNkosi ithathile. Malibongwe iGama leNkosi.”

Lapho onke amathemba ami ededa,
 Khona-ke Uyiwo onke amathemba ami
 nokuhlala.
 Ngokuba kuKristu, i . . .
 [Akuqoshwanga eteyipini—Umhl.] . . .
 isihlabathi esibishayo

O, Uyofika ngomsindo wokunqoba,
 Khona-ke akuthi-ke ngi—ngifunyanwe kuYe,
 Ngisongwe ngezingubo zokulunga kwaKhe.

³⁰⁶ Hhayi ngokwami; anginakho. Okwami kungezenyanyekayo, izindwangu ezingcolile. Bengiyokuzonda ukuzama ukuya eZulwini ngokushumayela kwami. Ngikuzonde ukuzama ukuya eZulwini ngemibono yami. Ngiya eZulwini ngoba ngiphethe umusa waKhe enhliziyweni yami. Umusa waKhe, yingakho ngihamba. Sihamba kanjalo-ke.

³⁰⁷ O, mngane, uyinxenyenye yaloMzimba. Ningabantwana abancane bakaNkulunkulu. Manje, ngisho lokhu ukuba ngakhe ithemba lenu. Uma nithole . . .

³⁰⁸ Uma ngifumene umusa kini, nganitshela iQiniso. Nokuthi ngnitshela khona, ngo—ngokwashivo ngumprofethi akusho, kweminyaka eyadlulayo. Ngingazenzi umprofethi waKhe. Qhabo, mnumzane. Kodwa ngnitshela iQiniso. Ngabe sewake Washo yini noma yini ngaphandle kwalokho okwakuyikho na? Senginazile manje iminyaka ethi ayibe ngamashumi amabili nento, lapha ePhoenix, selokhu kube yileloculo, *NgiThanda UkuXoxa ngaKho NaYe*, ngale ebandleni likaMfowethu Outlaw, ngikhola ukuthi kwakukhona, noMfowethu Garcia. Sengake nganitshela yini noma yini eGameni leNkosi ngaphandle kwalokho okwenzekayo na?

³⁰⁹ Khumbulani, linye kuphela ithemba. Tholani lamandla aphilisayo. Ayonibamba. Nxa yonke into isidedile, Ayonibamba.

³¹⁰ Abanye babo bathi, “Wayigcina inkolo yakho, Mfowethu Branham na?”

Ngathi, “Qhabo. Yangigcina.”

³¹¹ Iyangigcina. Qhabo, angiyigcini. Akusikho ukuthi ngabe ngyiabambelela, noma qha. Kungukuthi ngabe Wabambelela, noma qha. Uyilokho okwabambelela mina.

³¹² Wayengadinge kukwenza. IZingelosi zazihlezi kuzozonke izihlahla, zathi, “Dedela iminwe yakho. Khomba nje; awudingi ukuwususa esiphambanweni. Khomba ngomunwe wakho nje, bese ubona ukuthi yini.” Niyabo, lesosigejane esibhuqay. Kodwa ukuba Wayekwenzile lokho, bengingeke ngibe nabo lobubufakazi namhlanje; beningeke nibe nabo. Kodwa ngoba Wahlala esiphambanweni, Wabambelela lapho, yingakho ngibamblele naYe.

Ngimi KuKristu, iDwala, eliqinile;
Yonke eminye imihlabathi iyizihlabathi
ezibishayo.

³¹³ Manje, uma ugula, ungabeka izandla zakho phezu komunye nomunye. Asikhuleke. Nje beka izandla zakho komunye oseduze kwakho. Kungakhathaleki ukuthi yini engalungile kuwe, yiba nokukholwa manje. Uma ngake nganitshela iQiniso, ngiyanitshela manje. Niyabo? UJesu wathi, “Lezizibonakaliso ziykubalandela abakholwayo.” Futhi ningamakholwa, velani nje niphakamise izandla zenu. Ningangabazi. Kukhona umuntu othize ohluphekayo bandla ogulayo obeke izandla zakho phezu kwakhe. Omunye babeke izandla zabo phezu kwenu.

³¹⁴ Khumbulani lawomandla aphilisayo, lawomandla avusa uJesu ethuneni. Manje yiba nokukholwa kulokhu onakho emzimbeni wakho—wakho uqobo. Kuzosiza lowomuntu obeke izandla zakho kuye. “Uma Ehlala kini, Uyophilisa nemizimba yenu efayo.”

³¹⁵ Nkulunkulu othandekayo, njengoba ngimi lapha kulokhu ukusa, kusondela esikhathini sasemini, ngenkathi kuthi akube yilelihora losuku ngenkathi uJesu ememeza, “Nkulunkulu waMi, Nkulunkulu waMi, UNgishiyeleni na? Ngomile.” Akumangalisi, umprofethi wakubona kungakenzeki, wayesethi, “Onke amathambo aMi, bayaNgigqolozela. Babhobozile izandla zaMi nezinyawo zaMi.” “Kepha Yabalwa kanye nezelelesi. Kepha Yalinyazwa ngenxa yeziphambeko zethu. Yachotshozwa ngenxa yobubi bethu. Isijeziro sokuthula kwethu sasisphezu kwaYo, nangemivimbo yaYo siphilisiwe thina.” Sikubiza kuge ngokwethu lokho, kulokhu ukusa, Nkulunkulu. Sikubiza kuge ngokwethu lokho.

³¹⁶ Ekuseni kwalokhu ukuvuka, qaphelani, leliQiniso eliqinisekisiwe engilishilo, Nkosi, eZwini laKho, eBukhoneni bukaNkulunkulu. UngumaHluleli, futhi singofakazi ukuthi Usihlengile. Futhi kithi kulele, ngomusa kaNkulunkulu, lawomandla okuvuka. Nabangane bethu bayagula, Iwo okubekwe izandla phezu kwakhe.

³¹⁷ O Nkulunkulu, siphosela uDeveli inselelo, phakathi kokukholwa kwethu kulokhu ukusa, nezandla zibekwe phezu kwabantu, nami nezandla zami zelulelwe phezu kwabantu. Makuthi zonke izifo, zonke izinhlupheko ezizama ukubamba abantu, ebukhoneni baleliQiniso eliqinisekisiweyo, phuma. EGameni likaJesu Kristu, kwangathi lababantu bangakhululwa namhlanje. Ukuthi, iBhayibheli, amaZwi kaNkulunkulu wethu athi, "Uma bebeka izandla zabo phezu kwabagulayo, bayosinda." Nezandla zethu beziphezulu emoyeni, zibheke ngakuWe, Nkulunkulu.

³¹⁸ Njengoba, zonke izitshalo zomhlaba siphuza emthonjeni waKho. Futhi njengoba siqiniseke njengalesositshalo, esimilayo, siphuza emthonjeni waKho, siqala ukwakheka. Siqala ukukhula. Isiqu sommbila, imbali, noma ngabe yini ephuza emthonjeni waKho, ikhula ibheke ngakuWe.

³¹⁹ Nakulokhu ukusa, sikhulile, ama intshi, Nkosi. Singafinyelela phezulu kakhulu. Siphuza emthonjeni waKho. Siyizidalwa zaKho, namandla okuvuka ephakathi kwethu, Nkosi. Futhi sikhulekela ukuthi Uzozwa umkhuleko wabafowethu nodadewethu bakithi. Futhi kwangathi konke ukuhlupheka, okuvimba lababantu abathandekayo lapha onalamandla, Nkosi, ubaqaqe, ukuze bakwazi ukukhonza uNkulunkulu. Futhi kuzoba kahle, Nkosi. EGameni likaJesu Kristu. Amen.

³²⁰ NiyaMkholwa na? [Ibandla lithi, "Amen."—Umhl.] Nishiye into enjengale na? Ningakwenza kanjani? Nifanele, kubukeka sengathi, nje uzihoshe wena uqobo. Niyazizwa kanjalo na? ["Amen."] Ngi—ngi—ngi...Kungahle kube yimi nje, ukuthi ngi...Kodwa nginokuzwa, nje ukuzwa okuxakile uma ngiza phakathi kwabantu, lapho enihlala khona ndawonye kanje. Ngiyazi, ndawondawo, enibonakalayo lapha; njengomsakazo nje; itelevishini, kumbe noma yini, yedlula kulendlu; uKristu ukulendlu. Cabangani nje, uMhlengi wethu! Tony, Ulapha. Amen.

³²¹ Futhi ubani obengajabula kakhulu kunabantu abanakho, nobufakazi obubonakalayo beBhayibheli balo lonke iZwi likaNkulunkulu libonakaliswa, ukubona ngisho iziNgelosi nobuYena baKhe, njengoba bebenakho i—iminyaka! Futhi sizwa amaZwi ababoni, babikezelu futhi kwenzeka ngakho impela nje. Futhi nakhu siphambi kokuFika kwaKhe. O, isikhathi esimangalisa kanje pho!

³²² SizomBona. Ngolunye lwalezizinsuku, Uzoba lapha. Aze Afike, nizongikhulekela na? [Ibandla lithi, "Amen."—Umhl.] Nginezingozi eziyingozi phambi kwami. Ngiyakwazi. Niyabo? Futhi ngidibana nabahedeni abangakudubula, okufanayo njengokuphuza amanzi, futhi uyakhokhelwa nje. Ufika enkundleni yabo, odeveli abayokuphosela inselelo

ngeBhayibheli, kalula nje. Kodwa angikaze ngisibone isikhathi ngaphandle kokuthi uNkulunkulu wethu uzuze ukunqoba. Ngihamba ngeGama laKhe, ngeGama leNkosi uJesu Kristu, ithemba lokuPhila okuPhakade, ukuvuka nokuPhila. “Ophila akholwe yiMi, noma efa wophila. Nophila akholwe yiMi akasoze afa.” Ngikukholwa lokho ukuthi kuyiZwi laPhakade likaNkulunkulu. Nikholwa okufanayo na? [“Amen.”] Nizongikhulekela na? [“Amen.”] Ngizonikhulekela. Kwangathi uNkulunkulu angasiqapha size sibonane futhi.

³²³ Manje asisukume sime ngezinyawo zethu, umzuzwana nje. (Kukhona eninakho enifuna ukukusho na?)

Asikhothamise amakhanda ethu.

³²⁴ Bekungebe kuhle yini nje kithi ukuba singaliculi leliculo elincane, bekungakuhle na? Niyalikhumbula iculo lethu, *Ng'yaMthanda*, ngabe lelo likuzo zonke izinhliziyo na? Asilicule nje. Dadewethu, othandekayo, unga... Ngifuna ukusho, ngiyakuthokozela ukudlala kwakho, futhi, dadewethu. Kulungile.

Ng'yaMthanda, ng'yaMthanda
Ngoba Wangithanda kuqala
Wang'thengel'insindiso
Emthini waseKalvari.

Manje sizolishintsha iculo.

Ukholo lwami lubuka phezulu kuWe,
Wena Wundlu laseKalvari,
Msindisi omkhulu
Manje ngizwe ngisakhuleka,
O, susa lonke icala lami,
O, makuthi mina kusukela namuhla
Ngibe ngowaKho ngokuphele!

³²⁵ Lokho akwenzi yini into ethize kini na? Bangaki okuthandayo lokho ngempela inhliyi... Ngi—ngi—ngiyawathanda amaculo ejubili. Impela, ngyawathanda. Kodwa uma nisemoyeni wokudumisa, aniwathandi lawomahubo amadala amnandi na? Ngikholwa ukuthi uMoya oNgewelee wawuhamba phezu kukaEddie Perronett nabo ababhala lawomaculo amadala amahle kakhulu. Anikukholwa lokho na? UFanny Crosby, ngenkathi ebhala.

Mawungangedluli, wami, O Msindisi omnene,
Yizwa ukukhala kwami kokuzithoba,
Lapho Ubabiza abanye,
Mawungangedluli.

Wena Ungumfudlana wayo yonke induduzo
yami,
Ungaphezu kokuphila kimi,

Ubani enginaye emhlabeni ngaphandle
kwaKho?
Noma ubani eZulwini ngaphandle kwaKho?

³²⁶ Akumangalisi lokho na? Lokho kusenza sifune ukucula elithi *Ng'yaMthanda*. Akwenzi na? [Ibandla lithi, “Amen.”—Umhl.] Manje, sisacula ngalesisikhathi, *Ng'yaMthanda*, asi... Siyathandana. Uma singathandani, khona-ke ngeke saMthanda. Manje asixhawulane nje. Sime nje, futhi nje sifinyelele etafuleni ndawo ndawo, sixhawule, omunye nomunye.

Ngi...[UMfowethu Branham uyasuka
embhobheni futhi ukhulum
nomunye—Umhl.]
Wang'thengel'insindiso
Emthini waseKalvari.

Asikhothamise ikhanda lethu manje.

³²⁷ Ngizocela uMfowethu Williams, uMfowethu Williams osemncane, ukuba eze 4lapha umzuzwana nje. Ngizomcela ukuthi angezikhulule yini lezizethameli ngomkhuleko.

³²⁸ Ngiyamthanda uMfowethu Williams, umKristu osemncane, engicabanga ukuthi uyinceku kaKristu ngokweqiniso, umndeni wakhe omncane. Nginenhlanganyelo eninginingi nalaba. Nalabobafana abayigugu bakaMoseley nabo bonke, kade sindawonye, nabanningi kakhulu babangane bami abathandekayo lapha ePhoenix, engibathanda ngenhliziyo yami yonke. Ngiyacabanga, ngalokho kusa kulowombo, Wathi, “Konke lokho owawulokhu ukuthanda, nakho konke lokho okukuthandayo, uNkulunkulu ukuphe khona.”

³²⁹ Ngikholwa ukuthi omunye lapha baphenduka esonweni sabo, phansi kwiphansi lendlu, intombi ikhala.

Asikhothamise amakhanda ethu nje umzuzwana senzele yona.

³³⁰ Nkulunkulu othandekayo, ngabe leyo yileyomvu encane ebisele ePhoenix na? Angazi, Nkulunkulu. Wena uyazi. Kodwa, ngoluny'usuku, kuyoba yiyo. Kodwa, Baba, lena, akungabazeki, yiyo. Ngakho ngiyakhuleka ukuthi Uzoyisiza, njengamanje. Ngobumnandi vula isango, uthi, “Woza, mntanaMi. Ngena uvela kokhathele, umgwaqo okhandlanayo. Kade ukhubeka lapho ebumnyameni. Ngiyaphuma, namhlanje, ukuba ngikuthole. NguMoya waMi okhuluma kuwe nokuletha ukuba ungene esibayeni manje.” Siphe khona, Nkulunkulu. Kwangathi lentombi...nje esemigwaqeni eyimigamanxo yokuphila lapha. “Oyoza amaZwi aMi, akholwe NgoNgithumileyo, unokuPhila okuphakade.” Kuphe, Nkulunkulu othandekayo, kulomKristu osemncane. “Oyoza kiMi, Angisoze ngamlahlela ngaphandle.” Abangcwele besami bengame intombi, behuleka.

³³¹ Khumbulani, ngisho noPawulu, owakhandwa ngamatshe kabi kakhulu ngangokuthi wayefa, futhi ngenkathi i...?... abangcwele bama bengama futhi bakhuleka, ukuphila kuyabuya. Ngoba, kuleyomizimba yalabo abangcwele kwakukhona lawomandla aphilisayo abuyisela umoya wokuphila kuPawulu oNgcwele. Nkulunkulu, impela bekungakhulekwa umkhuleko, wokufa kuphume e...noma ukufa kuphume kumuntu, ngomkhuleko wokukholwa, ekuphileni. Siphe khona, Nkulunkulu othandekayo.

³³² Sibusise manje njengoba silindela Wena. EGameni likaJesu Kristu, siyakhuleka.

³³³ Manje amakhanda enu ekhotheme, ngizocela uMfowethu Williams.



UPHAWU LWE PHASIIKA ZUL65-0410
(The Easter Seal)

LomMlayezo ngo Mfowethu William Marrion Branham, okokuqala wethulwa ngesiNgisi ekuseni ngeMgqibelo ekuseni, ngo Apreli 10, ngo 1965, wokudla kwasekuseni kweFull Gospel Business Men's Fellowship International eRamada Inn, ePhoenix, eArizona, U.S.A., uthathelwe ekuqopheni kweteyipu enozibuthe futhi washicilelwa ungafinqiwe ngesiNgisi. Lokhu ukuhunyushwa ngesiZulu kwashicilelwa futhi kwakhishwa yiVoice Of God Recordings.

ZULU

©2008 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inothisi yelungelo langokomthetho

Onke amalungelo agodliwe. Lencwadi ingaprintwa kwiprinta yasekhaya yenzelwe okuqondene nomuntu noma inikezelwe, ngesihle, njengethuluzi ukusabalalisa iVangeli likaJesu Kristu. Lencwadi ingethengiswe, iphinde ikhiqizwe zibe ningi, iposwe kwiwebsayiti, igcinwe ngohlelo lokuthi iphinde itholakale, ihunyushelwe kwezinye izilwimi, noma isetshenziiselwe ukuzicelela izimali ngaphandle kwemvume ebhaliwe eshiwoyo ye Voice Of God Recordings®.

Ngolwazi olwengeziwe noma olwenye impahla ekhona, siza uxhumane ne:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org